



六十三



六十一

萬曆廿六年至廿九年

六一



國權

戊戌萬曆二十六年

正月亥朔 上不朝

寧夏地震

戊子福建長樂縣河南澳地陷五丈深五尺

己丑楊鎬棄師初經略邢玠遣李右諫通倭將行長約弗援
清正麻貴遣黃應賜賄清正議款遽引兵進攻山砦陳寅賈
勇先登垂拔鎬密令副級茅國器以李如梅兵未至不便首

鹽官談遷孺木著

功遂鳴金收兵詰朝如梅至攻之不拔朝鮮臣李德馨訛報
江上倭大至鎬倉皇夜遁諸軍遂潰倭襲南原棄輜重亡箕
行長縱江逐北我軍失亡萬計鎬肯走星州撤兵還王京會
邢玠奏蔚山之捷

甲午禮部請 皇長子冠婚閣臣及禮科給事中項應祥等
皆言之不報是後廷臣交請皆不報

乙未巡按湖廣御史趙文炳吏科給事中劉為楫各劾兵部
主事馮上知典試湖廣枉道麻城受知縣游朋孚之賄
又庇黃州知府瞿汝稷以同鄉曲庇朋孚上知奏辨科道交

劾命免工知朋孚官聽勘調汝稷仍申劾被論官不許飾辨
經略禦倭兵部尚書邢玠言倭據朝鮮之南海東西亘八九
百里臣等進剿彼力不能支必舟師入內地故吾所必拔則
防不可不慎今總兵周于德統水師如倭內入則剿如仍據
朝鮮聽臣調為夾攻之舉山東總兵李成勳宜率舟師汎長
山島以守登萊之門戶備旅順之應援保定總兵暫移任天
津以固內地章下兵部

李如松為征 前將軍總兵官鎮守遼東兼備倭總兵官言
官交論不報

巡按江西御史葉永盛請補故吏部左侍郎張元禎國子祭酒胡儼大學士解縉謚

丙申追封唐王長子宙枝承休王謚恭惠

戊戌廣西總兵童元鎮浙江總兵李應詔各易鎮

朝鮮閑山失利亟需舟師閣議募閩海商舡資防剿從之

己亥發太僕寺金五萬犒東軍

庚子閣臣請墾田山東以巡撫舊勅原有營田事今特責成令巡撫委廉能官招派人報名墾荒辨其衍沃原隰之宜以生五穀六畜之利不數年可稱天府

是月前吏部尚書陳有年卒有年字登之餘姚人嘉靖壬戌進士授刑部主事改吏部進員外郎歷稽勲驗封郎中在驗封執事朱希忠贈王事引疾去里居十年起考功郎中調文選時張居正敗推轂衆正尋進太常寺少卿擢右僉都御史巡撫江西再諫燒造得減十之三被劾去起南操江進右副都御史歷兵吏部侍郎忤時相去卒後起南京右都御史年十予祭塋贈太子太保謚恭介

二月己令天津巡撫移萊州山東巡撫移濱州順天巡撫移山海保定巡撫移天津

戊午左僉都御史郭惟賢工泰交三事亟補闕官亟下行取
亟錄逐臣不報

庚申大學士沈一貫翰林院侍讀學士曾朝節主禮闈

辛酉吏部文選郎中白所知削籍以吏科給事中戴士衡論
其大選未竣匿喪營陞也尚書蔡國珍代辨且求去上斥
所知留國珍御史況上進論國珍

壬戌廣東冒籍貢士許鳴轂柯雨江除名

甲子趙志臯請欽定行取官不報

順天府丞夫可大為右僉都御史巡撫湖廣浙江左布政使

曾如春為右副都御史巡撫河南

乙丑兵部右侍郎余立為左侍郎協理京營戎政南京工部

右侍郎董裕改刑部右侍郎

總理河道工部尚書楊一魁兼總理漕運御史馬從聘言河

漕一柄兩操矛盾易生故合之

丁卯南京戶部右侍郎兼右僉都御史余懋學卒懋學字

婺源人隆慶戊辰進士授撫州推官進南京戶科給事中

忤張居正除名尋復秩歷尚書太僕光祿卿通政使至今官

年十予祭塋

焦詒曰當江陵盛時人莫能指議而公首白發之故望余
公甚迨夫柄地易讜論伸而險詖者亦往、借以牟利率
至群言淆亂國是幾搖識者心非之而不能絕曰吾黨也
本之擊奸而竟以自固初心之謂何余公十蠹之踪侃、
然顯斥之無貸豈不為尤難哉而顧以此不容語云不容
何病不容然後見君子信矣

庚午山東按察使李誌為右僉都御史巡撫鳳陽

總督宣大兵部右侍郎王世揚回部南京太常寺卿楊時喬
為南京通政司使

時遼東錦州塞外降夷哈刺其散哈什等所部來降者六百
餘人云土蠻部落譯之又朶顏屬夷也撫臣議不使受科臣
云無可疑

癸酉設薊鎮東南濱海副總兵一游擊二募三千三百餘人
乙亥止徵湖廣永順土兵初土司彭元錦自請率萬人東征
已撫檄不相符也

戊寅副總兵都督僉事陳璘為禦倭總兵官

壬午巡撫廣西右副都御史陳璘加兵部右侍郎平峒寇功
三戊子寧夏城東天鼓鳴聲如雷

御史黃紀賢言年來吏部避嫌立挈籤法凡選除升降不問
人地宜否惟籤是憑如德清知縣以吏科都給事中劉為楫
糾降而抽籤得判霸州夫霸州為楫里也俱未便乞另調繼
考改籤法有旨繼考別用

己丑荆王常澆薨

庚寅謚故總督兩廣戶部右侍郎蕭彥 予故太子太保戶

部尚書高耀祭葬

壬辰南京禮部右侍郎陸可教卒可教字

蘭谿人萬曆

丁丑進士選庶吉士授編修

年十

予祭

丙申兵部署印左侍郎李楨言貴州土司安疆臣先貴竹司
改新貴縣土目夜莫等叩闕請奏疆臣詭獻地為解岷強若
此且改縣多年孰得易之不必再勘報可

丁酉前刑部右侍郎呂坤言科臣戴玉衡謂臣所輯閩範圍
說包藏禍心臣於萬曆十八年官 按察使刻是書不意

外戚鄭承恩重刻士衡疑臣逢迎掖庭也 上不問

庚子策貢士顧起元等三百人賜趙秉忠等進士及第出身
有差

吏科給事中劉道亨劾大學士張位結黨亂政黨指國子祭
酒劉應秋右都御史徐作等 工怒謫道亨樂清主簿
工部覆工科給事中楊應文議開泃河泃河在滕嶧沂沐下
派南通淮海隆慶以來數議未決舒尚書應龍嘗鑿韓莊中
輟時河決單縣黃垆口請終其功報可

丙午國子祭酒劉應秋工部署印右都徐作各奏辦不問
壬子趙志臯請 皇長子冠婚是日禮部署印侍郎劉楚先
等吏部尚書蔡國珍等前軍都督府徐文煒太常寺卿范崙
禮科給事中項應祥御史黃紀賢等俱詣文華門上章候旨

云必得命乃退命司禮太監田義諭曰此大典也稍候時月
何相挾為群臣頓首退

海州烏槍大鳴錦州城旂端出火

存問前禮部尚書陸樹聲

是月巡按河南御史姚思仁薦光州貢士蔡毅中孝行旌之
銀歹等首犯寧夏中衛總兵杜桐令叅將蕭如蕙進至水塘
溝斬六百二級廣武營游擊張詩斬二百五級

四 朔辰時東師九萬人以前副總兵鄧子龍善水戰命領旅順
等水營副總兵事出海

叙都勻功前巡撫雲南林喬相等賜賚有差
庚申總督兩廣軍務陳大科進右都御史兼兵部右侍郎巡
撫廣西戴耀加兵部右侍郎兼右僉都御史
壬戌禮科給事中曹大成條議會推掣選之法凡畿宜做會
試例設南北中三等其福建兩廣雲貴屬南畿北直山東西
河南陝西屬北畿南直浙江江西湖廣四川屬中畿南人掣
南北人掣北中人掣中則土俗民情俱習又稱趙南星才品
有旨會推大臣必九卿科道各舉一人吏部司官闕令部院
各開送待朕自定趙南星前斥不許推用今後科道官不許

稱薦吏部

副總兵陳璘以廣兵譁於山海關命副總兵吳廣同璘領之
癸亥命吏部同都察院甄別朝野司官既列上命留南企仲
王永光馬大儒梅守峻潘洙其錢養廉王就學王之棟穆深
並制籍前文選主事馮養志稽勲員外郎韓策文選主事常
道立常守信並外補文選員外郎龔幼全前文選郎中唐伯
元鄒觀光劉學曾驗封郎中李復陽曹愈恭稽勲郎中蓋國
士考功員外郎趙邦柱文選主事張洋武之望閔廷甲梁見
益考功主事洪文衡調南京

韓府長吉王璟瀾莊靖

乙丑南京大理寺卿沈應文致仕

丁卯巡按河南御史姚思仁上開採圖說

「寇連東太子太保左都督總兵官李如松以五千人逐之

深入中伏死之 李平胡張玉等並陣沒如松字子茂鉄

嶺衛人寧遠伯李成梁長子也年十六從擊「有功乙亥授

指揮同知丁丑守備黃花鎮戊寅密雲游擊數有功己卯馬

水口叅將辛巳進都督僉事副總兵癸未總兵山西甲申右

府僉書明年提督巡捕丁亥總兵宣府己丑改山西辛卯仍

右府僉書壬辰西平噶氏進太子少保左都督尋東征功成

論去至是鎮遼東身殉之年五十贈少保寧遠伯謚忠烈廢

鉄嶺衛指揮使祭葬立祠

談遷曰李氏世將而子茂尤驍果身先士卒氣吞大「戰

寧夏張亮堡時纔二千人突「數萬戰平壤開城前無衡

陣赫然為特將冠晚節不幸委骨黃沙聞者悲之魏夏侯

淵雖戰數勝曹操嘗戒曰為將當有怯弱時不可但恃勇

當行之以智計但任勇一匹夫敵耳李子茂惜功名不終

自後諸弟俱敗隕其家聲彼純縉又不足道矣

命李如梅自朝鮮還鎮遼東

丁卯吏科都給事中劉為楫給事中張正學俱忤旨吏部擬為楫遼東苑馬寺主簿正學貴州宣慰司經歷不允命遠之已巳衡府商城王載塔謚康順周府彰德王勤煇謚康懿華亭王朝垣謚恭穆魯陽王勤仄謚莊憲儀封王
謚莊簡
庚午銅仁土司改銅仁縣以土官李永授貪殘也

辛未前吏部尚書陸光祖卒光祖字與繩平湖人嘉靖丁未進士知濬縣秋潦傷稼呈兩臺不許即疏上減賦十之三脫盧楠於死奏最避宗人陸炳得南京禮部主事憂去補祠祭

癸亥調吏部歷文選郎中乙丑佐計汰斥惟允進太常少卿提督四夷館論罷隆慶初起南京太僕
歷大理卿工部

右侍郎又論去又起南京兵部右侍郎轉吏部以持張居正獄忤時去出南工部歷刑吏部尚書俱南京改北吏部
工
嘗於職名下書清正秉銓執法中忌去年七十七予祭墓贈太子太保謚莊簡

馮時可曰嘉隆以來天下士唯、阿、寢處顛倒於脂膏間不自持矣予詭者乘之而起爭陛而陛爭堂而堂負建鼓立赤幟震撼撞擊必欲使天下出字下附津殘以自雄

高也甚乎哉蒙偽而引奸陸先生巖、人地操筦鑰司月
旦五十年挺然挾其重以重國家而無張勝形於一時安
所得此哉血誠至心如洗如關外蹕厲而神清恬直且大
矣自公後正人君子望標啟塗而相為維挈天下幸以安
瀾覆孟如其仁如其仁

壬申命百官脩省禱雨

甲戌李如梅為征「將軍鎮守遼東兼備倭總兵官董一元
為禦倭總兵官

乙亥封金山黑龍潭神曰護國濟民神應龍王立廟 上前

幸天壽山回歷之至是禱雨而驗

辛巳起吳定大理寺少卿

梅國楨為兵部右侍郎兼右僉都御史總督宣大山西軍務
兼理糧餉陳藻為戶部左侍郎

全椒知縣黃岡樊玉衡先以御史論惠安伯張元善等請無
為州判官進知全椒有治聲至是奏 皇長子冊立冠婚略
曰 皇長子睿質尚弱岐齡有需即聖意牽制藉口從容可
也今 皇長子年且十七矣有室有家父母之心人有皆之
皇上獨無是心乎臣庶之家冠婚亦必及時况帝王典禮

祖宗彝憲冊立冠婚尤不可以毫髮蕪者使天下萬世謂
有子不立有子年十七而不冠婚蔑常棄典自我 皇上始
手 皇上雖無廢長立幼之意而牽於皇貴妃濡遲隱忍甘
以社稷為戲 祖宗朝豈無一二親愛疑似之人而終不以易是
典禮 先皇帝遲莫春宮之日天下已不勝憂而冠婚二禮
亦未過而不舉蓋以昭繫屬之重杜窺伺之萌鑒前古之亂
亡建萬年之長策不可易也 疏上成雷州衛不報

壬午封榮王翊鈐

吏部擬吏科都給事中劉為楫降陝西布政司都事左給事

中楊廷蘭降浙江

司理問給事中張正學降興安州判

官戴士衡蘄州判官林應元解州判官 上不允更欲遠之

癸未太常寺少卿萬自約為順天府尹廣西左布政使陳洙

為南京光祿寺卿密雲兵備道副使王見賓為右僉都御史

巡撫延綏贊理軍務

是月國子學錄張養蒙上言孟軻父不得概曰孟孫氏蓋訛
傳懿子何忌非軻父也宜改稱先賢孟激公而懿子亦應從
祀兩廡又林放蘧瑗不宜改祀於鄉蔡元定宜改祀文廟東
廡又周輔成既比珣松則張載之父宜比輔成例

京師雨雪

命鴻臚寺序班范光裕給安南都統使黎維潭勅印仍收舊印

五月朔劉為楫降遼東苑馬寺主簿楊廷蘭降廣東鹽課司副提舉

戊子起陳有年南京右都御史有年前卒

贈擺賽副總兵子世本所副千戶

旌原武王朝垠孝行

庚寅甘肅古浪城樓大鐘自鳴

辛卯房守土為右副都御史巡撫大同贊理軍務

甲午甘士价為大理寺少卿林煙太僕寺少卿孫瑋劉四科

太常寺少卿章尚學通政司叅議

游應乾鄭繼之為南京太常太僕寺卿連標為應天府丞

定吳廣領水師屬劉綎節制陳璘領水師赴鴨綠江

前順天府尹田疇劾去

丙申逮雲南監軍叅政李先著下獄初大侯州叛酋猛廷瑞

與婦翁奉學攻從允思賢所過州縣殺掠亡筭巡撫陳用賓

議剿遣叅將吳顯忠直抵順寧敗賊圍之且下先著聞有音

令廷瑞擒奉學自贖遂班師廷瑞走觀音山勢復振顯忠再
剿誅奉學擄廷瑞而用賓以先著受賄縱賊下詔獄論死
溫純為左都御史謝杰為刑部左侍郎陳惟芝為大理寺右
少卿

戊戌王守仁王錦仍入京謀告訐下獄

庚子諭內閣待新宮落成行 皇長子冠婚禮

吏部右侍郎裴應章為左侍郎禮部右侍郎楊起元改吏部
右侍郎李植為右僉都御史巡撫遼東贊理軍務
辛丑吏科給事中戴士衡全椒知縣樊玉衡削籍士衡戌

王衡戌雷州衛先是庚寅山西按察使呂坤輯閩範圍說
翰林脩撰焦竑適奉使序之外戚錦衣衛帶俸都指揮使鄭
國泰增刊后妃首漢明德皇后終鄭貴妃或託燕山朱東吉
跋曰呂先生為此書也雖無易儲之謀不幸有其跡矣曾見
從古以來有宮闈與見任大臣刊書者乎云云標名憂危竑
議內刺張養蒙劉道亨魏允貞鄭承恩鄧光祚洪其道程紹
白所知薛 皆稱呂所見極高戴士衡前參呂坤包藏禍心
樊玉衡前疏有 皇上不慈皇長子不孝皇貴妃不智貴妃
閩之泣訴於 上謂憂危竑議出土衡手張位啖之令從子

承恩奏入目為二衡 上怒甚

壬寅論內閣曰國事多艱人心澆薄假公濟私挾仇害人法令不振紀綱蕩廢朕甚恨之以諭卿等

癸卯屈灼為通政司右通政御史丁賓為南京大理寺右寺丞

巡撫雲南右僉都御史陳用賓進右副都御史黔國公總兵沐敷進署都督同知以蠻莫功

六明寅朔命各巡按御史清賦額起解濟國用回道日考課從戶部尚書楊俊民之言

襄城伯李承功奉使騷擾奪歲俸

巡按直隸御史趙之翰以憂危竑議為戴士衡偽造中傷善類主於張位預謀者徐作劉楚先劉應秋楊廷蘭萬建崑也下部院議

庚午南京工部尚書葉夢熊卒夢熊字歸善人嘉靖乙

丑進士知福清進戶部主事改山西道御史言事謫邵陽丞歷知贛州平寇進永平副使作火車神銃頒九塞歷撫貴州陝西甘肅進討噶承恩拜總督三邊功成加右都御史兼兵部右侍郎尋進尚書加太子太保

癸酉禮部右侍郎劉楚先右都御史徐作並罷國子祭酒劉
應秋降 吏科左給事中楊廷蘭諡懷仁典史禮部主事

萬建崑謫武緣典史時部院議劉楚先劉應秋當供職楊廷
蘭萬建崑當降調張位徐作當回籍有旨出 上自定

甲戌 工以昨論大學士張位受美珠削籍值赦不宥

耿定力為南京右僉都御史提督操江兼管巡江

丙子改萬世德經略朝鮮汪應蛟巡撫天津以監軍陳效專
任朝鮮紀功另遣御史巡按遼東

起李戴吏部尚書曾同亨南京吏部尚書劉東星工部左侍

郎兼右僉都御史總理河道漕運故事河漕兩府總漕居淮
安主發運總河居濟寧主疏渠至是合之並屬東星東星循
行河隄謂梗漕治在標決河治在本兩利而並舉之議開趙
渠蓋商城虞城以下至於徐州元賈魯河故道也行百餘年
嘉靖末北徙潘尚書季馴議開之計費四百萬而止及河決
單縣黃垆口稍盪成渠惟曲里館至三仙臺四十里阜陸如
故東星因開之又自三仙臺至泗州小浮橋開支渠 里又
濬漕河起徐邳至宿費可十萬緡
田樂為兵部尚書李庭機為南京吏部右侍郎

己卯起周世選南京兵部尚書許弘綱仍太常寺少卿
是月吏部覆禮科給事中曹大成所議掣籤法言三等未便
分籤東西南北四筒東北則北直山東為主而河南之汝彰
歸衛南直之廬鳳淮揚附之東南則南直浙江福建廣東為
主而廣西之梧州平樂桂林附之西北則陝西山西而河南之
懷慶開封河南南陽湖廣之鄖陽附之西南則湖廣四川雲
貴而廣西之柳州南寧遠潯太平附之科貢考選前三名與進
士同掣其餘舉監仍與有進士梳選至首領佐貳有錢穀
詞訟之責本省易嫌難照教職例上從之

七
丙戌南京國子祭酒馮夢禎總督兩廣侍郎陳大科罷以南
京戶部主事歐陽東鳳劾其貪狀

神武衛千戶朱仁等奏湖口船稅可萬餘金又舊稅廠也命
內監李道往鴻臚寺主簿田應璧言兩淮沒官餘鹽又命內
監魯保往

詔操江應天浙江江西湖廣各巡撫如淮揚聞警即馳援
予故大理寺卿張夢鯉祭塋

夜有大星流東方色青白燭地後二小星從之

丁亥兵部以巡撫貴州江東之奏水西宣慰使妥疆臣跋扈

狀初疆臣殺土官安國貞次子定巡按奏革冠帶疆臣不受命
余繼登為吏部左侍郎朱國祚為禮部右侍郎並直日講方
從哲為國子祭酒

趙可懷為工部左侍郎劉敏寬為右僉都御史巡撫甘肅四
川按察副使王國為南京鴻臚寺卿尋敏寬坐勘罷工責

兵部侍郎李楨濫舉調楨南京

已丑督餉戶部右侍郎回部

選翰林院庶吉士黃國鼎楊希聖李思誠周道登溫體仁梁

有年洪瞻祖張鳳翔趙師聖高承祚張文光丘禾實王錄宗

張邦紀盛以弘林秉漢楊文蔭黃陞曾舜漁

壬辰日本平秀吉死子秀賴幼外舅家康攝政止以和泉河

內二島歸秀賴

己亥諭德葉向高郭正域為左右庶子洗馬袁宗道范醇敬
為左中允

庚子吏部左侍郎劉元震禮部右侍郎曾朝節教習庶吉士

丙午南京國子司業楊道賓署翰林院事

故南京戶部尚書陳于陞贈太子太保

戊申內官魯保經理淮鹽李道督稅湖口俱許節制有司戶科給事中包見捷趙完璧郝敬等各言之不聽

庚戌前禮部左侍郎兼翰林院侍讀學士韓世能卒世能子長洲人隆慶二年進士選庶吉士授編脩歷侍講祭酒

侍郎教習庶吉士年十予祭葬

辛亥前南京太僕寺少卿王惟中卒

壬子陸萬垓疾去夏良心為右副都御史巡撫江西陳惟芝為右僉都御史巡撫應天徐三畏為右僉都御史巡撫甘肅癸丑陳州妖人任世身謀亂伏誅

甲寅朔范崙為通政司使許孚遠為兵部左侍郎起趙煥南京右都御史

丙辰趙志臯進累朝賢訓實錄二千三百四十五卷

戴耀以原官總督兩廣軍務兼理糧餉鹽法兼巡撫廣東

丁巳太常寺少卿傅好禮言近郊假官抽稅上未報越三日好禮伏文華門求面對曰不得旨明當復來上怒降廣昌典史大理寺卿吳定跡救降陝西右叅議又科道跡救削定籍而假官二十八人下鎮撫司

設潞南州儒學

乙丑惜薪司柴炭歲額兵工二部二十餘萬至是求益戶科
給事中賈維春言歲進物料上用僅十之二三餘盡入私囊
今復求益不過厭其溪壑耳豈真為國家計盈縮哉不報
丙寅南京國子司業黃汝良為南京右春坊右中允仍署司
業

戊辰郭正域為南京國子司業

己巳予故南京太常寺卿張鹵祭壑

播州楊應龍日殘虐議擇將統兵駐札五司

李盛春為南京兵部右侍郎

丙子前禮部主事萬建崑被謫奏辨削籍

起郝杰南京工部尚書王基南京刑部右侍郎南京通政司

右叅議李三才為大理寺右少卿

丁丑夜京師地震復雨雪

戊寅太常寺卿劉四科為太僕寺卿南京大理寺右寺丞朱
廷益為南京通政司右叅議

辛巳前太子太保兵部尚書張學顏卒學顏字肥鄉人

嘉靖癸丑進士知曲沃擢工科給事中歷外僉事叅議拜右
僉都御史巡撫三年多斬獲累進兵部侍郎右都御史兼理

京營戎政本兵六年加太子少保尋進太子太保致仕年

十 予祭塋

九朔未朔起王賦業總兵官鎮守臨沘

乙酉巡撫山西魏允貞加右副都御史

丙戌聽調兵部左侍郎李楨引疾去

貢士福清林章上破倭全策下兵部

辛卯大同神機庫自崩火藥激傷人畜甚衆

壬辰免浙江水災田租有差

癸巳益都知縣欵縣吳宗堯奏提督礦務太監陳增罔上營

私制官毒民益都有鉛砂無銀礦增強之入銀業非法矣更

強採者代納稍緩逮吏民陛下所得十一而增私橐十九

罪不容誅

左諭德范醇敬左中允袁宗道主武舉

戶部尚書楊俊民考滿進太子太保

予故南京兵部尚書吳文華祭塋贈太子少保

丁酉趙世新嗣忻城伯

己亥禮科議謚先臣兵部尚書伍文定毛伯溫吏部左侍郎

張元楨南京刑部右侍郎吳悌都御史魯穆大理寺卿夏時

正禮部侍郎田一儁大理寺卿

尚寶司卿孟秋中允郭

希顏庶吉士鄒智御史劉臺左諭德張元忭

癸卯河南撫按曾乾亨崔邦亮言潞王微行遊戲 上切責

之

刑玠合兵七萬分三道以總兵劉綎董一元麻貴領之

乙巳巡撫山東右僉都御史尹應元劾陳增之罪忤旨奪歲俸削吳宗堯籍

前南京刑部右侍郎李江卒江字

武定人嘉靖乙未進

士知廬陵以御史進四川監軍御史平九絲蠻歷右副都御

史巡撫湖廣平叛苗致仕予祭葬

丙午督徵天津店稅內使王朝死巡撫汪應蛟工科包見捷

各請弗補 上切責之

慈聖皇太后傳戒 潞王微行 上亦賜書規之

己酉立顯忠祠祀故欽天監五官監候楊源

十朔寅御史劉景辰給事中侯慶遠請寬吳宗堯不報

辛亥以陳增誣奏前益都知縣吳宗堯侵欺加派銀逮下鎮撫司

乙卯朝鮮告急初劉綎進兵偏平行長使吳宗道約行長為

好許以五十人往緹設伏令健卒詐為緹而身行酒約吾出
帳即放砲圖之詰朝行長果至顧行酒者曰此人有福緹駭
愕冥壺而出砲舉伏發行長躍馬後騎鴈列奪路去明日行
長遣謝謂昨登席舉砲重客也誤生疑心行長貽緹巾幗緹
攻城行長潛出千餘騎犯之緹失利亡千人陳璘在亦
棄軍遁溺萬餘人挺璘互許邢玠不以聞麻貴至蔚山望之
空壘趨馬忽旂幟蔽空貴策馬而逃喪兵七千董一元令茅
國器約正成完封局正成佯聽之掩殺我兵殆盡深血四十
里兵科給事中徐觀瀾報四路喪敗命再^敗勘斬馬呈文郝三

聘以狗責一元等自効始丁應泰跡入上直之書名御屏
沈一貫懼賄玉熙內官知文溪演東征傳奇熒聽上怒乃
解

談遷曰東師再駕蓋懲癸巳之轍也捫焉舉兵楊鎬逃於
前四路劔於後叢爾狡夷何諸將畏之如虎耶劉緹非汶
、錄、者其購行長入營不膏杭上肉而顧佚之其疎已
甚且來巾幗之遺也癸巳主款失之觀望戍戍不戰不款
又兩失之以視隋唐間立功海外懸矣兵無常勝地有常
險於扼要待敵亦未值其會耶

丙辰諭天下停刑青刑部以擅釋曹學程奪堂官俸二月司
官各降罰有差

翰林院庶吉士郭淏為簡討

庚申太子太保刑部尚書張國彥卒國彥
邯鄲人嘉

靖壬戌進士知縣擢兵科給事中歷右副都御史撫治鄖

陽以軍功進戶部侍郎長兵部協理京營改刑部尚書年

十予祭葬贈太子太保

癸亥立故兵部右侍郎曾銑祠

喜峰路忽大風壞樓臺有大光

部科議應謚名臣

甲子給老嫗軍民宣慰司印

丙寅倭將清正從朝鮮遁

御史秦懋義請酌開採之額不報

薊州副總兵李如樟以原官為右軍右都督府僉書

己巳旌上洛王勤諉及長子朝暄鄆城王府宗正寅植各孝

行

官軍復松山松山界甘肅寧夏間自派一窟兔據之三十餘

年鎮番中衛中斷一因窺我兩河督撫李汝田樂搜逐一徙

帳而北拓地五百里議築垣堡移兵將焉
辛未 孝安^穆皇太后主祔昭陵及奉先殿

于慎行曰自漢以來皇后未正中宮者皆不祔而不以元
配為尊如唐明肅劉皇后昭成竇皇后皆睿宗妃也不祔
明肅而祔昭成猶曰母以子貴也至宋太祖而不祔孝惠
賀皇后而祔孝明王皇后宋真宗廟不祔章懷潘皇后而
祔章穆郭皇后議者以孝惠章懷生無母儀之尊沒膺配
食之典人情不安典籍無據故舍之耳至如宋太宗元配
淑德尹皇后未有封號繼配懿德符皇后封越國夫人其

後亦不祔尹后而祔符后盖古典如此我朝 穆皇帝廟
祔 孝懿李皇后而舍 仁聖陳太后非古也前代大禮
必下禮官與太常博士雜議今以宰臣及一二禮臣定之
安能無錯

徙碭山縣城於秦冢塘

戊寅楊芳為右副都御史巡撫廣西

故欽天監五官監候楊源贈五官靈臺郎

辛巳前後軍都督府署都督僉事尹鳳萃鳳字德祥鳳陽人
世南京府軍後衛指揮同知武舉鄉會皆第一留守中都進

提督備倭福建屢破海盜許朝歷後府都督僉事提督京城
巡捕年七十六予祭葬

庚辰潯州五山守備陞任湖廣行都司僉書晉江林武直征
猺戢叛卒於軍五山夷民咸泣下為立祠總督戴耀上其功
贈驃騎將軍都指揮使武直萬曆壬辰進士

十一月壬午朔初倭分據三路聯絡固守我兵水陸分進圍而賊
破東賊而中路之晉山永春昆陽三四城俱拔焚泗川東陽
倉獨臨海新寨未下

丙戌御史許聞造請停採礦不報

丁亥初閩員闕廷推五閱月而不下至是沈一貫以請

辛卯特降九江府經歷樊圃雜秩以湖口稅監李道劾其阻
撓也

壬辰巡撫福建右僉都御史金學曾報日本平秀吉死得之
舶商云內難時作其素與小西飛行長不睦必自相圖乞勅
督臣相機進剿毋為清正狡謀所惑時議撤東師戶科給事
中郝敬言其不可下廷議

癸巳免蕭縣等田租

戊戌鄭惟孝嗣武安侯 惟忠弟

甲辰張惟賢嗣成國公

丙午謚淮府南康王厚燾安懿

戊申諭選皇長子婚

庚戌南海錦山倭戰敗後各逃匿山谷間辛亥夜總兵陳璘提兵深入岩洞偃旗息鼓天漸旦舉礮倭衆駭走共追斬千一百餘級

彰德隕霜不殺草榆槐再花李冬實

十
二月癸丑西路總兵劉綎以戰車燔倭寨六十餘間明日水陸夾攻陸兵殺傷相當水兵失利東路總兵麻貴襲斬頗有功

詔責播州楊應龍擒首禍自脫應龍妾田雌鳳淫妬誣妻張氏死之并屠張氏外家恣殺無忌所屬五司七姓之民訴撫按再逮不至

甲寅南京通政使楊時喬工言先進者後學傳習之師世教者使民興行之機今原任雲南叅政羅汝芳為臣鄉先進聰明才辨性度溫和學師顏鈞志行相似又養生師方士胡清虛談燒煉採取飛昇又僧玄覺談因果福益尤精於單提直指人心見性成佛其守學國集諸生會文講學令訟者跣跣公庭閉目觀心令里甲供餽游僧庫金侵闕推官李惟戰徵

里甲代贖又受南陵縣丞戴珍金帶篋銀撫按叅論後守東
昌及叅雲南冥印公堂任胥吏共用牌票混發贖棒入都科
道交劾歸田好請託工官游南都游揚州其徒稱聖之和二
子從丹師斃於廣自云日在左右欲見即出稱呂純陽自終
南山書至今有刊理學臣錄者收之以禪學在孔子上違道
干譽孔孟之所深闢者也

談遷曰盱江之學本餘姚而出之尤詭尤誕所師事顏山
農彼盜賊之智也而儒其言平不良死盱江不之悔余嘗
過寧國為立祠豈其遺士悅之與江陵最惡講學與盱江

同年當滇藩入賀亦不深罪得運兩觀之誅士大夫目擊
其人則厭寔之聞其說或未斥其謬而上饒猾人也鳴鼓
以攻知其言尤信

丁卯巡按貴州御史應朝卿奏楊應龍慘虐

庶干宣甘肅之捷前剿青把都火落赤等巢斬百六十級
提督操江右僉都御史陳薦為左僉都御史

壬申錄甘肅功進李汝少保兼太子太保田樂太子太保各
加世蔭一級

己卯以一衆西歸復蕭大亨太子太保進王世揚右都御史

並視事餘陞賞有差
是年大監楊欽採礦雲南

己亥萬曆二十七年

正月午朔 上不朝

丙戌命部院京察毋徇舊

戊子兩淮鹽稅御馬監太監魯保乞常設外行存積鹽引歲
進十二萬金從之保又論兩淮鹽運司副使丁偕抗違削籍
庚寅戶科都給事中包見捷等劾稅監馬堂劉忠魯保不報

浙江金華衢台寧波紹興去年災撫按請減折南京倉糧南

戶部執爭不許

應天句容等十五縣災改折有差

松山善後事宜設八沙營蘆塘川叅將二阿壩嶺紅水河守

備二裴家營土門蘆塘湖防守三

辛卯遼東三萬遼海鉄嶺等衛地震

甲午吏部乞錄謫臣不報

丁酉御馬監左監丞高采權京口供用庫官暨祿權儀真時
錦衣衛正千戶鄭一麒進橫嶺礦十六金言稅溢羽林左衛

中所百戶馬承恩亦言之已得命閣臣揭沮遂罷京口而儀
真如故

陳增誣吳宗堯私詞連青州府各官及商民各追籍其家
得旨給事中郝欽極言陳增鍛鍊不報

庚子吏部文選主事魏可簡縱下鐫一秩調外

辛丑免山西夏縣等秋糧有差其太原左衛等屯糧折之

癸卯巡按甘肅御史許開造謫尙嵐州判官聞造奏改本潛
移如戶部侍郎張養蒙圖竊政權兵部侍郎李楨背公植黨
吏部侍郎洪其道弊枉枝蔓緣魏允貞呂坤諸臣為後地皆

政柄潛移之漸也吏科左給事中程紹糾其避考察媚政府
故誦

丙午兵部贊畫主事丁應泰論總督邢玠等賂倭賣國尚書
蕭大亨與科道張輔之姚文蔚等朋謀欺罔不報

禮科左給事中羅棟言 皇上近示際臣簡閱佛道二藏因
陳開採之害報聞

丁未奪甘肅總兵官達雲俸四月時海犯西寧參將趙希
顏敗沒西寧兵備副使劉敏寬鐫一級

沈一貫言東倭發難七年今已蕩平此十萬吏卒執銳被堅

萬里遠征勞不可泯而丁應泰云賂倭賣國則吏卒皆當罪
不得言功恐人心忿怒萬一激變損國威重亦未可知賂倭
之情豈敢懸斷古稱功宜從重罪疑從輕今日之事宜濬加
恩澤若因小爭致淹功賞不惟有事難以用人即今日十萬
衆未易收拾臣之憂也時應泰疏且下上得揭而止

庚戌河南道御史牛應元請慎會推不報

遠東三萬連海等衛及中固城地震
二胡子百戶張宗仁請復浙江市舶
命太監劉成榷稅浙江

丁丑沈一貫言變法征利略曰申使衙門皆創設並無舊緒
可因夫使中使一員其僉從可百人分遣官不下十人此十
人各須百人則千人矣此千人每家十口為率則萬人矣萬
人日給千金歲須四十餘萬及得纔數萬徒歛怨耳今分遣
二十處歲糜八百萬聖恩偶未之及也乞盡撤之不報尋河
南山東蘓松常鎮皆併稅於礦使

南京科道拾遺應天府尹孫純前兵部侍郎李楨勒致仕前

巡撫四川右都御史王繼光閑住

是月安南都統使黎維潭以新印如銅色求頒真銀印

三月庚辰朔內監王忠徵稅密雲張燁徵稅蘆溝橋以百戶柳勝
秋劉思忠之言

太監陳增馬堂爭稅命堂稅臨清增稅東昌

義勇右衛百戶王官罷沈一貫於端門外先是王官同把總
徐希昌貢士林章等進萬二千金求淮南買鹽南京黃天蕩
天寧洲各立營防盜不許故官披猖一貫奏其事命逮官等
壬午巡撫鳳陽右僉都御史李誌罷鄭繼之為南京大理寺
卿

兖州地震

癸未兵部左侍郎余立自陳罷

改孤山叅將為協守副總兵王威節制神木高家二堡

甲申歙縣吳養晦投稅監魯保言大父守禮逋鹽課二十五
萬乞進入給占產從之

乙酉故遼東叅將王維楨贈署都督同知故都指揮全尚禮
贈都督僉事各諭祭立祠世襲

設綦江合江游擊二備楊應龍也

丙戌 監丞高淮徵稅遼東開礦戶科都給事中包見模
及連東撫按 山海關主事吳鍾英先後爭之不報

丁亥郭子章為右副都御史巡撫貴州兼督理湖北
壬辰戶科都給事中包見捷等極言礦稅之害乞撤中官
工怒謫貴州布政司都事餘奪歲俸

癸巳遵化天鼓鳴西北有大星光如月派散東北

乙未雲南土目沙儂等作亂兵備道 劉廷蕙平之

貴州平壩衛地震大雨雹

命征倭總兵麻貴陳璘董一元俱班師李承勳以原官提督
水陸官充防海禦倭總兵官往朝鮮周于德移鎮山東備倭
總兵官

丙申巡撫遼東右僉都御史李植乞乘東師之旅合本鎮兵
啟復舊遼陽兵部覆上下鎮再議

丁酉纂修玉牒

左春坊左庶子葉向高請罷礦使不報

戊戌發太僕寺金二萬齎延綏寧夏吏卒先是延綏報斬
千七百三十三級寧夏報斬九百二十六級

己亥起李化龍兵部右侍郎總督川湖貴州軍務兼巡撫四
川兵部右侍郎王世揚為右都御史協理京營戎政甘肅
為右僉都御史巡撫鳳陽

庶子連東蓋州衛天鼓鳴連陽大星三

辛丑臨沅總兵官署都督僉事孫仁注銜左軍都督府

起前南京兵部尚書周世選疾辭

壬寅播州楊應龍反寇平越飛煉堡殺都指揮楊國柱指揮

李廷棟

癸卯兵科給事中徐觀瀾與總督邢玠互訐請改勘臣

丙午嚴常州烏溪定化蘭後三港決防之禁以通太湖藪盜

四朝亥刑科左給事中楊應文代徐觀瀾行勘

丁卯河南礦監魯坤言礦砂贏縮不一或均派官民或包課

工命官民派之

戊辰夜月犯南斗魁第三星

己巳密雲稅監王忠與張煒爭稅命定界勒限

庚午兵部覈貴州失事之故先是貴州巡撫江東之欲復五

司遣都指揮楊國棟等攻楊應龍見龔璫焉

辛未趙志臯沈一貫揭救吳賢秀云新任十六日被逮婦

氏出簪珥纔四金佐費因自經母年老七十八幼子女三人

無他兄弟殊可念也 上心動下法司即擬報

壬申禮部上獻俘儀注

甲戌 工御午門俘倭六十一人俱棄市受賀

丙子召禮部右侍郎馮琦右春坊右諭德兼翰林院侍講唐文獻纂脩玉牒

祭故巡撫寧夏右僉都御史張九一

先是戶部開事例凡察處論罷府運佐州縣官許復級進階及軍民人等札給品官戶科給事中李應策言國家警惕官刑者惟此黜陟舉劾彼一貪吏豈百餘金使之既破復完如知縣復後又進知州運判復後又進運同固儼然金紫之榮

也百金外遞加五十金即得腰金名器不應濫至此命下部議戶部覆各官繫致仕非察處者方進階軍民人等無過准納給文武告身從之

戊寅雨太廟槐樹火

閏月四巳卯朔勞東師十四萬金

錄甘鎮功進李汝田樂蕙太子太傅世錦衣衛正千戶賜金三鎰緋蟒衣一襲建雲右都督詹本衛指揮僉事金五十幣二餘陞賚有差

逮臨清守備王灼時稅監馬堂苛變市人焚其署殺僮從三

十四人灼救堂以免堂疑其陰倡而陽救也遂奏灼罪
陳啟嗣嗣平江伯

盜發西山宮女塚

壬午山東左布政使劉易從為右副都御史巡撫山東

癸未貴州總兵官沈尚文除名

饒州府通判吳瑞澄工纂續大學衍義

丙戌詔曰朕續承鴻緒統理屯人海濱山陬皆吾赤子苟非
元惡普欲包荒屬者東夷小醜平秀吉猥以下隸敢發難端
竊據裔封役屬諸島遂興薦食之志窺我內附之邦伊岐對

馬之間鯨鯢四起樂浪玄菟之境群鎬交加君臣逋亡人民
離散馳章告急請兵往援朕念朝鮮世稱恭順適遭困危豈
宜坐觀若使弱者不扶誰其懷德強者逃罰誰其畏威况東
方乃肩背之藩則此賊亦門庭之寇過徂定亂在予一人於
是少命偏師第加薄伐平壤一戰已褫驕魂而賊負固多端
陽順陰逆本求伺影故作乞憐丹使未還光威復煽朕洞知
狡狀獨斷於心乃發郡國羽林之材無吝金錢勇爵之賞必
盡弁服用澄海波仰賴天地洪休宗社陰隲神降之罰賊隕
其魁而王師水陸並驅正奇互用爰分四路并協一心焚其

芻糧薄其巢穴外援悉斷內計無之於是同惡就殲群酋宵
遁舳舻付於烈火海水沸騰戈甲積如高山氛祲淨掃雖百
年窮若之寇舉一旦蕩滌無遺鴻鴈來歸箕子之提封如故
熊羆振旅漢家之威德播聞除所獲首功封為京觀乃檻致
平秀政等六十一人棄屍崇街傳首天下永垂凶逆之鑒戒
大泄神人之忿心於戲我國家仁恩浩蕩恭順者無困不援
義武奮揚既梁者雖強必戮茲用布告天下昭示四夷明余
非得已之心識余不敢赦之意毋越厥志而下顯罰各守分
義以享太平凡我文武大小臣工尚宜潔已愛民奉公體國
以銷萌孽以導禎祥更念彫刀殫財為日已久加與休息正
惟此時諸因東征加派錢糧一切盡令所司除豁務為存恤
勿事繁苛咨爾多方宜悉朕意

茅瑞徵曰我與倭相持釜山前後用兵大類持重我以樓
舡橫海之師四將軍二十六偏裨費金錢數百萬竟收功
一死關白天方贊我倭小醜何能為一時文武大吏幾貪
天功矣差強人意惟平壤一捷而卒以封貢敗豈所謂進
銳退速者耶

勅朝鮮國王李松曰此者捷書來聞憂勞始釋念王雖遠舊

物實同新造振彫起敝為力倍艱倭雖遁歸族類尚在生心
再逞亦未可知茲命經略尚書邢玠振旅歸量帛經理都
御史萬世德等分布偏師為王戍守王可咨求軍略共商善
後卧薪嘗膽毋忘前耻軍路監縷大作永圖務財訓農厚樹
根本弔死問孤以振士卒尚文雖美事而專務儒緩亦非救
亂之資忘戰必危古之深戒吾將士雖歸輓輸非便行當盡
撤爾可亟圖

禮部左侍郎余繼登言脩省之實曰親郊廟曰皇長子婚曰
停礦稅報聞

靈壁侯湯之誥領南京前軍都督府武安侯鄭惟孝領府軍
前衛

遠儀真守禦楊應龍以稅監暨祿委官激變歸其罪也

戊子時礦使四出人情洶、中外諫沮不能得進士 謝

廷讚奏釀亂激變語甚切司禮太監田義亦言之並不報
已丑諭旱災脩省

童元鎮為總兵官鎮守貴州

庚寅夜金星犯水順行在升度

壬辰巡撫陝西右都御史賈待問兼兵部右侍郎

甲午遣官告旱於郊廟社稷

署都督僉事李文達為總兵官鎮守福建

乙未前太子少保左都御史李世達卒世達字子成涇陽人
嘉靖丙辰進士除戶部主事癸亥調吏部歷考功文選郎中
憂去起陞通政南京太僕寺卿萬曆初進右僉都御史巡
撫山東轉河道右副都御史戊寅巡撫浙江尋總督漕運巡
撫鳳陽甲申進南京兵部右侍郎改戶部又改吏部進南京
吏部尚書改兵部入刑部改左都御史予告年六十七奉祭
塋贈太子太保謚肅敏

焦竑曰孔孟論學莫亟於知人蘇子瞻乃謂蕭何知韓信
非有術而可學何其謬也李公胸懷洞達無所不茹納即
窮鄉下吏片長寸善或舉以告公無不知者此豈得之性
哉呂聖功為相於四方替罷謁見者必問地方人才容去
隨跡於籍故朝廷索材如取之索然辟之良工構室棟梁
榱桷小大畢獲誠觀之素也予見公數巨冊人才臧否良
枯種、皆具惜夫未正冢宰之任而公去然其及於世者
亦豈微也

丙申徵戶部二十四萬金戶部言無例

戒稅監額外苛征

丁酉左都御史溫純等申飭憲綱曰重激揚抑趨承恤民隱

慎刑獄禁酷濫重彈壓

恭順侯吳繼爵卒

己亥山海關灤州盧龍等地震

庚子西門入花馬池安定堡五日吏卒匿不報

壬寅大雨告謝郊壇

癸卯犯遼東都指揮邵國柱之出塞多死傷巡撫李

植慮再至乞留總督邢玠暫住遼陽上從之命事寧還薊

鎮

五月甲寅淮安城隍廟大椿自焚

丁巳光祿寺卿李三才為右僉都御史巡撫鳳陽

戶禮部左侍郎陳業余繼登為戶禮部尚書繼登兼翰林院

學士

上責戶部買珠寶急緩奪堂官俸二月司官及順天府官俸

半年勒限趣上

南京吏部右侍郎趙煥為尚書南京工部尚書郝杰改兵部

尚書左春坊左庶子葉向高為禮部右侍郎巡撫河南右

都御史臧惟一為兵部右侍郎俱南京

戊午通政司右通政徐申被論改應天府丞

辛酉太常寺卿鄭國仕為右副都御史撫治鄆陽
乙丑 皇長子暫輟講

戊辰 諭德范醇敬唐文獻為左右庶子兼翰林院侍讀

中允袁宗道為左諭德兼侍講署司經局印

巡撫福建右僉都御史金學曾罷

總督侍郎李化龍至四川

己巳巡撫貴州郭子章至沅州

壬申貴州道御史涂宗濬劾遼東稅監高淮橫甚不報

禮部右侍郎馮琦改吏部右侍郎南京太常寺卿鄭繼之為

大理寺卿

癸酉楊應龍寇蒼江

北關屬夷那林孛羅急攻南關猛骨孛羅不能支走建州衛

乞兵被其誘殺邊吏往詰之乃還其次子革庫而

以女歸長子吾兒忽答名為撫養實羈留不遣也北關至是

畏建州強求還忽答守請安 廷議不能決建州遂併南關

六胡貢胡裁陝西黃甫川波羅罕塞守備改設叅將

辛巳予故左都御史劉燾祭墓贈太子少保
壬午沈一貫請亟考選科道

癸未祭故巡撫江西右僉都御史陸萬垓贈右副都御史
丙戌南京國子祭酒教文楨為詹事府詹事兼翰林院侍讀
學士纂脩玉牒

協守宣府副總兵梁秀加署都督僉事繫銜左軍都督府
丁亥內監王彪兼理真定保定永平薊州礦務

己丑御馬監監丞沈永壽筦廣東稅礦
庚寅皇幼女殤追封香山公主

戶科都給事中李應策言撫臣臧惟一賈待問魏允貞曾如
春汪應蛟等各報旱災命戶部覆或蠲或賑

甲午故巡撫河南右僉都御史鍾化民贈右副都御史立忠
惠祠

初順義王擒力克歸自西海奉貢市惟謹後延綏寧夏兵搗
巢疑畏徙帳而北邊臣諭止俄詞諸台吉西送佛僧巡撫大
同右副都御史房守土遣諭勿西行因以聞

丁酉五軍營左副將施朝卿賄敗成雷州衛託延三年兵部
趣發之

予故太子太保戶部尚書楊俊民祭塋贈少保

已亥楊應龍反應龍知不宥乘我師未集以兵八萬分犯南
川江津陷綦江守兵不滿千叅將房如寵游擊張良賢死之
賊遂檄重慶守臣縛送奏民守臣恐歸其子可棟之喪厚賄
之而委罪指揮某以自解

丙午諭兵部嚴門禁沈一貫言東征川兵內土官多楊應龍
之族恐其兵雜大工軍匠混入也

應天衛百戶范倉請設雲貴稅監命內官監左監丞張慶往
貴州
往雲南尚書李戴陳藻田樂蕭大亨左

都御史溫純等戶科都給事中李應策御史應朝卿各跡諫
不報沈一貫揭止之

七 戊申朔工科左給事中郭如星請罷選貢部覆從之

旌潘王瑄克孝行

壬子兵部左侍郎許孚遠致仕

四川總兵官仍駐建武協守副總兵駐松潘

甲寅戶部言順天府官所買珠寶無見商 上切責之府尹

萬自約降兩浙鹽運司副使餘鐫三秩調外通判何天申請

無為州張九叙謫澧州大興知縣馮運

泰謫荆門州俱判官
宛平縣丞張九功謫
廣東布政司照磨

雲南進金色惡奔布政使王紹慶等歲俸

丙辰殺臨清人王朝佐先是稅監馬堂激變獨朝佐承其罪
庶申吏科都給事中項應祥疏救萬自鈔鑄四級調外
丙寅王鴻圖王明為大理寺左右少卿

丁卯南京守備太監郝隆劉朝用採寧國池州等礦

戊辰前兵部右侍郎沈子木為南京太常寺卿

辛未承天沔陽岳州地震

癸酉前巡撫四川貴州右僉都御史譚希思江東之追論播
州事削籍

乙亥巡撫浙江右僉都御史
六年考滿進右副都御史

戶科給事中李應策姚文蔚以播警乞停中官礦稅不報

是月安南都統使黎維潭卒時易印未至弟維新嗣

八月丑朔命豫處黔餉

逮荊州府推官華鈺黃州府經歷車任重以湖廣稅監陳奉
誣劾之也荊州知府李商耕黃州知府趙文煒荆門知州高
則巽各降一級

賜總督李化龍尚方劍

己卯詔暴楊應龍罪狀頒賞格

辛巳趣劉綬陳璘赴蜀

刑科左給事中楊應天勘報斬倭二千二百二十八級
癸未改朝鮮監軍御史陳劾詹錦衣衛百戶世襲

乙酉兵部尚書田樂以楊應龍私賂於家執其人以聞
譚懋功嗣新寧伯

戊子國子祭酒方從哲等乞罷礦稅不報

楊寅秋為貴州按察使張存意為布政司叅議俱監軍
朱天爵嗣武進伯以世雍無子及之

吏部文選郎中梅守峻轉太常寺少卿吏科給事中楊天民

言其險黠調外

甲午秋道縣東山崩其山南忽涌小山五約高二十餘丈

丁酉雲南稅監楊榮虐諸生見詒榮劾巡撫右副都御史陳

用賓命下諸生於理

戊戌四川左叅政謝紹右叅政張棟貴州按察使楊寅秋左
叅議張存意並為監軍給勅

庚子山東保定巡撫

各請蠲卹章下戶部

辛丑陳璘為湖廣總兵官鎮守偏沅

癸卯予改駙馬都尉許從誠祭墓故少保蕙太子太保臨淮

侯李言恭祭塋

甲辰夜火星犯奎宿

設興隆祭將

是月安南莫敬恭復舉兵鄭松攻卻之未幾莫氏遁

九月未朔贈陳效光祿寺卿

前南京右都御史王樵卒樵字明逸金壇人嘉靖丁未進士授行人遷刑部主事精於法比出山東按察僉事核賑饑民憂去萬曆初起浙西兵備入為尚賢少卿進司卿請全劉臺以安大臣忤時遷南京光祿寺卿投劾去壬午起南京太僕

少卿即進光祿卿壬辰冬進大理卿明年刑部右侍郎乙未

右都御史俱南京三載致仕樵好經術如古書淫傳癖年七

十九所著周易私錄尚書日記詩考周官私錄春秋輯傳四

書紹聞編讀律私箋考定周易參同契老子解方麓居士集

戊申筆記紫薇堂札記省往錄鎮江府志等書行世素精博

操履純潔予祭塋贈太子少保謚恭簡子肯堂萬曆己丑進

士翰林院檢討

己酉命湖廣巡撫移任沅州徵廣西南丹東蘭泗城諸土司

各簡三千人征楊應龍

辛亥午刻日躔角太白太陰同尾度月犯金星

壬子設畢節恭將尋罷

旌德平王載琛善行

甲寅戶部進大珠龍涎香仍斤細珠令速進

前襄陽知府李高耕降兩淮鹽運司同知黃州知府趙文燁

降福建鹽運司同知荆門知州高則吳降廣東都司斷事

乙卯叙東征功進邢玠太子太保世錦衣衛指揮僉事賜金

四鎰蟒服一督餉侍郎張養蒙賜金幣萬世德進右副都御

史各廢子入太學總兵 兵師職倭功最劉挺次之麻貴

功浮於罪各陞廢賜金幣有差董一元復秩楊俊民贈太子

太傅游擊許國威為四川總兵官其陣沒副總兵鄧子龍等

贈廢有差巡撫順天李願總督王世揚功最加世揚兵部尚

書願右都御史汪應蛟梅國禎王象乾劉元霖李植次之

以京輔灾蠲京邊折銀且賑之

己未進趙志昂太子太師中極敏大學士廢尚書司丞沈一

貫少保吏部尚書廢中書舍人各賜金幣

庚申山東稅監陳增原奏官開礦於濟南湖廣稅監陳奉原

奏官韓國柱於德安

乙丑命楊鎬以巡撫原官錄用
禁各處內官奏擾

丁卯南京光祿寺卿陳洙以前

右布政使鐫一級調用

丙寅前吏部右侍郎楊起元卒起元字貞復廣東歸善人萬曆丁丑進士選庶吉士授

潛學醇

行恬夷靜漢真儒者也年

十 予祭塋

吳道南曰人於學因年以進先生之聖功基以始志人於親因物稍遷先生之孝思慕以終身況隆師無間死生友弟惟知親愛推斯何所不洽更何必以緒餘屑然為先

生表見哉

戊辰命免肩負之稅

沈一貫以曹學程行決乞緩刑報聞而未遽言有之也

己巳遼東總兵官孫守燾廣東總兵官侯繼高並劾罷

馬林為征前將軍總兵官鎮守遼東兼備倭

辛未誅沈惟敬等十九人

壬申免保定河間存留災租有差

故駙馬都尉許從城贈少保

癸酉 掠大凌河復犯大寧堡明日至義州飽掠而去

是月，大舉祀錦義巡撫李頤報功巡按御史王弘業論其調度平方。

十月卯兵部留總兵張榜以四千人李承勳以三千六百人助守朝鮮。

四川左布政使程正誼為順天府尹。

前巡撫山東右僉都御史鄭汝璧為南京太常寺少卿。

旌周府輔國中尉勤燁孝行廬墓。

濟陽衛千戶何其賢奏萬曆二十五年御史蕭重望請彙天下歲解至今部未覆乞勅內官同臣等將浙江江西湖廣見

庫清查逐一解進。上命內監孫隆等會撫按具奏。

驍騎衛百戶仇世亨請徵湖廣各郡縣積貯羨銀入興國州人漆有光報徐鼎等發掘古墓得黃金巨萬乞命內官督臣等查解。上屬陳奉同撫按任之。

癸未賑浙江饑民。

沈一貫請寬華鉦等不聽。

甲申南京禮部尚書王弘誨致仕。

南京國子祭酒郭正域請申飭監規廣搜額以羅異才嚴差授以杜請託彙贖緩以一賞罰勤課誦以終職業改歷期以

嚮實學復查押以警游蕩部覆多從之

丙戌權派四川湖廣地畝

四川總兵官劉綎改南京右軍都督府僉書禡總兵萬鰲綎受命不即進鰲通夷納賄也

山西饑

命總督李化龍駐重慶調度川貴湖廣官兵

戊子令貴州撫按諭水西土司安疆臣貫罪進兵討楊應龍朝鮮請水師八千人協守餘軍乞駐遼陽易援

辛卯令廣東稅監李鳳歲徵二十萬

甲午進劉東星工部尚書兼右副都御史及工部尚書楊一魁俱詹國子生餘陞賚有差時南京鴻臚寺卿張朝瑞議淮與河合自宋熙寧來五百餘年泗州無水患萬曆七年泗州

東築高家堰以遏淮泗陵始患欲極患宜導淮宜議高家堰總漕褚鈇駁曰陵患在高家堰宜開周家橋立高良閘何好事者偶議分黃導淮不知淮之患在泗州黃之派在清河地相距二百里而遙黃為患宜分黃導淮、為患宜分淮導淮各因水勢利導之

左中允黃汝良言災異不報

癸卯設大同鎮守備及馬營守備

十一月丙午朔吳汝胤嗣恭順侯

戊申命宣府總兵官董一奎仍視事

令山西簡兵二千屬游擊袁登往戍河上自十一月始正月
撤

己酉折徵河南災租仍賑之

發通州倉三千石賑三河及興武神武等二衛饑民

先是巡撫陝西右都御史賈待問論太監梁永橫擾不報已
梁永以同知宋言喉亂下撫臣按之江西道御史楊宏祥言

其不可不聽

己未沈一貫屢請閣員命吏部廷推朝野才望者

甲子御史楊宏祥姚思仁于永清徐元正趙文炳李思孝畢
三才吳楷閱視各邊

丁卯饒州府通判沈榜陞崇府審理而陶人乞留有旨添註

通判蓋江西稅監潘相所奏也部科論之不報

以馬尚仁報通州如臯新洲田九萬餘畝命太監守備邢隆
劉朝用覈理

己巳貴州總兵章元鎮以怯敵奪官仍徙戎自贖起李應祥

貴州總兵官

壬申內府火延葬尚寶司印綬監工部廊至銀作局火起印綬監右監丞王進太監崔卿降三級

癸酉發粟三十萬石以十萬石賑畿輔餘平糶

免亳州鳳陽等旱災田租且賑之

乙亥暫停四川採木

十二月丁丑工部都水主事黃龍光以六科廊火降貴州布政司經歷

已卯岷府廣濟王定燬薨

庚辰罷延綏巡撫王見賓禡總兵趙夢麟職

甲申環球國中山王尚世子尚寧入貢

蠲華容等縣災租賑尤沅縣

戊子畿內災涿民就食京師命粥之

己丑國子祭酒方從哲疾去

壬辰詔以湖廣漕糧濟川貴軍興

吏科左給事中程紹言中官不宜輕信外政不宜輕假上怒削籍閣臣揭救謫

是年總督李文巡撫楊時寧遣材官金成以甲士三十六人

自寧夏泛舟繞出河套斬十六級

庚子萬曆二十八年

正月初朔上不朝

吏部尚書李戴言山西開礦內臣張忠奏調知縣轄董

臣竊怪之守令才地不相宜撫按奏之下部題覆未聞內臣

竟擬調也不報

丁未吏部言考選久稽不報

石砭宣撫司馬干乘敗賊於鄧坎時楊應龍分兵攻龍泉司

戊辰贈故兵部尚書張學顏少保

己巳太僕少卿王守素太常寺許弘綱為通政司左右通政

辛未刑部員外郎夏懃以按中瑞失火瑞嫉之降貴陽通判

壬申夜火星逆行過柳鬼宿

二月初朔山東按察使江鐸為右僉都御史巡撫偏沅等處提

督軍務兼理糧餉駐偏沅

丙子命內監王彪兼管寶坻葦田

丁丑閣擬皇長子開講復請之不報

令兵部選一武臣往封琉球國世子尚寧

戊寅祭太社太稷京師地震

山西左布政使劉夢雷為南京光祿寺卿

許巡撫山西右副都御史魏允貞終養以不縣部覆閱謂非制請仍下吏部不報

己卯命太監暨祿兼徵鳳陽安慶徽廬常鎮之稅前止徵應

天太平寧國淮揚以羽林衛副千戶王承德金吾左衛百戶

吳鎮之請

南京守備太監邢隆稅沿江洲田

辛巳內監魯坤開彰德衛輝懷慶開封等礦洞以武驤右衛

百戶張欽言之也

楊應龍劫洪邊宣慰司宋承恩承恩初聘應龍女絕婚提三

千人助守烏江

甲申鳳陽饑多盜巡撫李三才以聞命有司多方軫恤嚴訪

中外毋生事擾民

趣各省直織造料銀

丙戌總督李化龍分八道進師總兵劉綎出秦江叅政張文

耀監之總兵馬孔英出南川僉事徐仲佳監之總兵吳廣出

合江叅議劉一相監之副總兵曹希彬出永寧叅議史旌賢

監之貴州分三道總兵童元鎮出烏江叅將朱鶴齡宣慰安
疆臣等出沙溪總兵李應祥宣慰彭元瑞等出興隆衛按察
使楊寅秋叅議張存意監之湖廣偏橋一路屬總兵陳璘分
兩翼璘從白泥副總兵陳良玘從龍泉按察使胡桂芳叅議
魏養蒙監之每道各兵三萬刻期並發巡撫郭子章駐貴陽
支可大移沅州化龍駐重慶初朝命水西宣慰司安疆臣助
兵子章令按察使副洪澄源監疆臣軍疆臣與楊應龍實居
齒內懷觀望數張皇賊勢
戊子錦衣衛百戶王體仁奏徵長江航稅遺稅從之命提督

廣寧店內官陳奉往其浙江江西山東臨清以北罷其複
已丑我兵連克三峒

李化龍奏劉綎名將部伍整肅器械精利欲以川東屬之與
吳廣分道並進而科臣言其驕蹇恃功且聞其在荊州受賊
重餽耳如童元鎮例革職受事 上從之命充為事官剿賊
自効

命湖廣巡撫支可大移偏橋衛

庚寅騰驤右衛百戶李鑿上錢法九事請特給關防命屬稅
監陳奉關防不准給

夜火星順行鬼宿

壬辰沈一貫請皇長子冠婚不報

丙申河南永城縣饑賊派劫

戊戌南京守備太監邢隆以勘廬州洲田另給欵差督管洲田闕防

己亥命閣臣查對京省試錄出格應天浙江江西湖廣河南考官各量罰有差

是月貴州皮林苗吳國佐作亂國佐洪州司特洞寨苗也性桀黠走淮泗通漢語略知書義收其叔大榮妻龍氏黎平府

持之急素有異志諸苗遂反自稱天皇上將又名石纂太自稱太保殺百戶黃鐘普等與國佐合圍工黃堡參將黃冲霄守備張世忠討之詐降設伏冲霄大敗走永從縣賊追殺我千餘人溪水盡赤執世忠炙之使自食世忠罵不絕口同諸苗噉之遂掠七十餘屯堡焚五開衛南城破永定縣圍中潮所副總兵陳良玘討之失利退屯靖州國佐益橫

三月辰朔楊應龍子朝棟等分三道拒我劉綎擊走之

陽妖人趙古元被逮入京

乙巳平越兵克四牌

丙午三太平驛於麻城光山間麻城距光山二百四十里故設於王家樓

夜唐王府火

戊申四川貢扇不工左布政使程正誼降廣西左叅政右布政使王道增降福建右叅議右叅議劉三才降山西按察僉事布政司理問趙嘉賓降楚雄府經歷成都府經歷降貴州宣撫司經歷

庚戌兩淮鹽務少監魯保叅稅監陳增委官假武英殿中書舍人恣虐不報

是月刑部劾中徐如珂謫連州判官冒外郎林曜謫南安推官主事鍾鳴陞澧州判官曹文煒福寧州判官各添注

四甲戌朔官軍屯白石楊應龍身突戰敗之

五百餘騎犯黑莊渠等堡

乙亥報雲南賊平初順寧府逆酋猛廷瑞助大侯州逆酋奉學為亂攻州城官軍擊平之

江鐸至沅州

丁丑存問前太子少保南京兵部尚書楊成

刑部主事謝廷讚請建儲謫貴州布政司照磨

戊寅沈一貫奏揭言奉命撰勅未發 上報曰謝廷讚狂妄
少待之俾天下臣民曉然出自朕心定不惑也卿等可傳示
諸臣靜俟移居畢即待勅

甲申雲南礦稅寶井內監楊榮劾雲南知府蔡如川趙州知
州甘學書等

乙酉珠池市舶稅務內監李鳳激變新會縣因叅御官吳應
鴻貢士勞養魁鍾聲朝梁斗輝民李共易等俱命逮治
平越兵克黃灘關
丙戌予故巡撫福建右副都御史張汝濟祭塋

水西鎮雄兵克桃溪焚楊氏衛舍家廟

戊子封由桂壽光王趙王常常澍豐城王益王瑒劄庶子

己丑左庶子左庶子范醇敬為少詹事兼翰林院侍讀學士
纂脩玉牒

工部員外郎楊為棟稅及賑米賑靖州同知

庚寅議罷朝鮮兵

辛卯華增嗣武岡王

水西鎮雄兵入播州官軍圍海龍因賊窘死守詭令婦人哭
拜表詐降

壬辰珂權嗣萬安王
補尚寶司所燬牙牌

癸巳右春坊右庶子唐文獻為左春坊左庶子左右諭德袁
宗道楊道賓為右庶子並兼翰林院侍讀左右中允黃汝良
黃輝為左右諭德並兼侍講右贊善區大相編修莊天合為
左右中允並兼編脩簡討周如砥為右贊善並兼簡討
右軍都督府署都督僉事劉承嗣罷
甲午荆世子由樊嗣荆王
免京師牙稅

錦衣衛都指揮使王之楨進都督僉事

乙未巡按直隸御史吳達可上饑民圖說

是月套犯寧塞營杜松禦卻之

五月未逮故總兵童元鎮

留巡按貴州御史宋興祖仍一年

戊申朝鮮請留戍三千人時議撤不一

庚戌總理兩淮鹽務太監魯保

壬子巡撫貴州郭子章報鎮雄土知府隴澄斬楊維棟偽提
調等五千餘人為諸路倡下兵部議旌

丁巳始命工部主事管琉璃黑窯廠三年代之
已未李化龍聞喪命奪情視師

巡撫鳳陽等處兼海防右僉都御史李三才請停礦稅曰自
礦稅繁興萬民失業朝野囂然莫知為計 皇上為斯民主
不惟不衣之且併其衣而奪之不惟不食之且併其食而奪
之正權之使急於星火搜括之令密如牛毛今日某礦得銀
若干明日又加銀若干今日某處稅若干明日又加稅若干
今日某官阻撓礦稅拏解明日某官怠玩礦稅罷職上下相
爭惟利是聞如臣境內抽稅徐州則陳增儀真則暨祿理鹽

揚州則魯保蘆政沿江則邢隆千里之區中使四布加以無
賴亡命附翼虎狼如中書程守訓尤為無忌假旨詐財動以
萬數昨運同陶允明自楚來云彼中內使沿途掘墻得財方
止聖心安乎不安乎且一人之心千萬人之心也 皇上愛
珠玉人亦愛溫飽 皇上憂萬世人亦慮妻孥奈何 皇上
欲黃金高於北斗而不使百姓有糠粃斗升之儲 皇上欲
為子孫千萬年而不使百姓有一朝一夕試觀往籍朝廷有
如此政令天下有如此景象而有不亂者哉
壬戌沈一貫考滿進少保吏部尚書詹中書舍人

甲子延慶長公主薨

乙丑前福建布政司左叅政王叔果卒叔果永嘉人嘉靖壬戌進士

丁卯脩大高玄殿

復故總督浙直江福兵部尚書張經官廢其孫懋爵入國子監

富平知縣王正志奏稅監梁永趙欽婪橫不報

庚午水西宣慰司安疆臣鎮雄土知府隴澄還師或言水西

通賊總督令退舍疆臣曰吾不為亡播續也與澄先引去

西火落赤等犯寧夏安定堡花馬池副總兵李崑被圍甚急寧塞營副總兵援走之

辛未李三才奏數月以來凡有章奏但繫礦稅即束高閣一切不省臣之前跡非泛常也國脈民命之所關天心祖德之所在也人主能為萬姓之主然後奔走禦侮若休戚不關威力是憑劫奪之已耳斬刈之已耳孤人之子寡人之妻析人之產掘人之墓奸貪殘賊若近日秦楚等所奏即在亂國仇人猶所不忍况吾衽席之赤子亡辜之齊民哉窮困無聊遂

生窺竊如徐州趙古元之類是已夫天下非小也草澤之人
至衆且廣也欲為古元者何限獨以朝廷處置得宜綱紀有
道欲乘之而無釁欲掩之而無端故俛首順心從教從令耳
今乃驅之使亂臣懼萬姓不肯為朝廷主也

六月丑官軍克海龍國楊應龍自經妾田氏子朝棟等被獲先
後擊斬二萬二千六百級播州平

申時行曰播州之役三省財力耗費以巨億計楚蜀之間
驛騷甚矣向非委官不索賄應龍不繫獄調則必赴召則
必來何至稱兵叛逆悍然不顧乎掩襲放禍必有任其責

甲申應城伯孫允恭卒

丙戌太子少保兵部尚書楊一魁考滿進太子太保

廣西思恩州土官黃大錫絕歸其地永康縣名永康州

丁亥脩瓌瑤河橋

禮科給事中王士性極言礦稅之害不報

戊子工科都給事中王德完上言理財用人其理財有七曰

嚴義利之別明一體之誼通家國之理存敬畏之心識脩省
之要廣視聽之益謹安危之幾改苛歛之失用人有七曰礦
稅之使當撤被逮之臣當恤撫臣之任當專選取之命當下

遷議之臣當用青災之故當行輔相之求當亟不報
丁酉李化龍乞終制不許

戊戌逮富平知縣王正志礦監趙欽劾之
己亥平播報至

辛丑夜有大星色赤自中天派西北入雲中二小星隨之

是月巡撫遼東右僉都御史李植奏遼東馬市自二十二年
以前費二千四百餘金至二十三年委馬政官俞萬策兼管
夷酋詭名重名比舊增三倍二十四年增至四千五百餘金
二十五年增至六千四百餘金二十六年前撫臣張思忠察

其弊裁覈仍舊二千七百餘金一反袂宣大之貢思忠憤而
請革馬市遂罷此廣寧馬市因革之大略也義州木市前撫
臣李化龍題小歹青欲在義州大康堡順河販木酌許之止
犒酒食歷三年無譁後將領多短其直夷人恨之焚木而去
不復至木市遂罷此義州木市興廢之大略也二市羈縻與
宣大不同順之則撫叛之則罷此夷方市彼夷酋犯無歲無
之何忠順之有而欲撫賞之耶乞下廷議以決大計

七月寅朔四川總兵官吳廣通播賄劾免充為事官殺賊自効
通州同知邵光庭香河知縣焦光卿以太監王彪論降一級

癸卯諭內閣曰皇長子清弱大禮少俟之可傳示百官靜待
毋沽名煩聒

丙午應天巡撫陳惟芝聞喪三月未得代請操江攝事不報
陝西右布政使兼按察副使榆林中路兵備趙楫為右僉都
御史巡撫運東兼管備倭贊理軍務陝西右布政使撫治西
寧兵備劉敏寬為右僉都御史巡撫延綏贊理軍務湖廣左
布政使曹時聘為右僉都御史巡撫應天提督軍務
予改總督兵部尚書張經祭塋謚襄愍改南京兵部尚書吳
文華謚復改吏部左侍郎孟春官予祭塋

已未陝西稅監梁永訐富平知縣王正志仍請勅巡邊盤庫
許之

壬戌報西寧軍逃叛

彰德大風傷黍

丙寅增解額南雍五人北雍十五人

叙甘鎮西寧莊涼斬獲功兩鎮陞賞有差

戊辰太常寺少卿史孟麟疾去

許備沅巡撫江鐸守制仍裁其官

興武衛指揮周原茂請開採貴州道御史李華時參之不報

己巳巡撫延綏右僉都御史劉敏寬罷

前太子少保南京兵部尚書楊成萃成字

長洲人嘉靖

丙辰進士授工部主事歷浙江按察副使累至今官

年八十予祭塋贈太子太保護簡莊

馮時可曰評者謂公不談般若而若行則真禪不立黨幟

而實行則真儒不遁巖穴而離俗則真隱不取冠垢服不

張崖立岬而臨軒、映水壺鹿朱霞對帝質神始自角

州終於鮑背吾無間然矣

庚午討皮林苗四川湖貴廣西兵協擊

是月興化府大雨水浸城

辛未朔前湖廣按察副使萬振孫承天知府王禹聲鍾祥知

縣鄒堯弼並削籍初吏部擬降振孫廣東叅議禹聲福建運

司同知堯弼連州判官不允改擬廣西叅議禹聲福建運司

同知堯弼普安州判官又不允竟令削籍

前遼東屯田把總韓應龍奏四川成都龍安

重慶馬湖

等處茶鹽

鎮守延綏總兵官王威罷

前四川 布政使程正詛降廣西左布政 上怒各官申救
鑄三級

壬申翰林院庶吉士黃國鼎楊希聖李思誠周道登溫體仁
為編脩趙師聖高承祚張文光丘禾賈王毓宗張邦紀盛以
弘為簡討梁有年洪瞻祖張鳳翔為 科給事中林秉漢楊
文蒞黃陞曾舜漁為監察御史

甲戌宣府總兵官都督同知麻承恩改鎮守延綏

戊寅宣府副總兵梁秀為鎮朔將軍總兵官鎮守宣府

己卯前少詹事兼翰林院侍讀學士黃洪憲卒

辛巳吏部文選郎中朱敬循為太常寺少卿

乙酉捕遼東孤山怪妖人金得時等

丁亥設青州新青縣儒學

辛卯工科都給事中王德完言國家歲入僅四百萬而歲出
輒至四百五十萬有奇居恒已出浮於入邇來因事加額如
寧夏用兵數月約費餉一百一十七萬八千餘金朝鮮用兵
七年約費餉五百一十三萬二千餘金又地畝米苳援兵等
餉費三百餘萬金平播之師期年費一百二十一萬六千餘
金連川中湊辦共二百餘萬婚禮珠寶等項約九百三十四

萬三千餘金傳造袍服四萬一千餘匹料約一百萬四千餘金
山西潞紬續織四千七百餘匹婚禮傳買段一萬二千七百
餘匹約十萬餘金磁器口傳二十萬五千件約費二十餘
萬金濬三山口趙冢園等處費二十四萬餘金而省直災傷
欠段價料銀一百二十四萬五千金又欠厨料九萬六千餘
金積之亦既二千六百餘萬當帑空之時講濟虛之策惟節
省最要臣請減織造以極民命止營建以贍邊儲停珠玉以
停燕翼審採辦以濟國用趣大工以省煩費發內帑以救燃
眉不報

壬辰福建南安地震屢震凡三日太湖縣有天火墜縣門

癸巳建陽地震

甲午巡撫河南

都御史曾如春請賑卹

前南京禮部尚書林士章卒士章字德斐漳浦人嘉靖己未
進士及第授翰林編脩進司業憂去壬申起南京祭酒癸酉
改北甲戌進禮部右侍郎丁丑轉左後長南禮部致仕士章
諳練朝典兼善星曆年七十七予祭葬

丙申命大河南北山東設法賑災

河內縣天鼓鳴有星墜常平鎮北二里掘之尺許獲石膚黑

中白

戊戌許總督李化龍終制

京師西北天鳴

是月京省主試順天右庶子楊道賓脩撰顧天峻應天左諭
德黃汝良右中允莊天合浙江簡討劉生中兵科左給事中
桂有根江西編修楊繼禮戶科右給事中姚文蔚福建簡討
朱國楨兵部主事吳用先湖廣簡討沈濬兵部主事張其廉
河南吏部主事倪斯蕙刑部主事陸應川山東工科左給事
中張問達戶部主事鮑應鰲山西刑部主事李叔春工部主

事應汝化陝西戶部主事江中楠行人胡國鑑四川戶部主
事楊一葵兵部主事趙拱極廣東兵部主事楊麟祥工部主
事張嗣誠廣西刑部主事施爾志中書舍人柴大履雲南戶
部主事魯遐大理寺評事蔣之秀貴州工部員外郎黃士吉
行人王孟震
同安地大震

南京通政司右叅議朱廷益卒廷益字汝虞嘉善人萬曆
進士歷南京考功郎中出為江西僉事請謁不行平生敦
尚名節宦二十餘年僅先疇百畝假屋以居其歿也僚友醵金

殞之

郭正域曰賢士大夫無不飾簞簞而或不信於人或小推而大攫或陽吐而陰茹朱公之貧真貧也批鱗君子筮仕而侃末路而墨路豈其殊操後乃愈溢矣朱君靜而正之粗而翹之白首如一遇事風生綽有條理聽者悚動不隕獲於貧賤不充誅於富貴不假之年矯、鉞、古之遺直乎

九朝丑朔日食

刑科右給事中陳繼春疏救蔡如川甘學書不報

謚祐聖夫人徐氏曰勤敬榮安氏乳 上閣臣兩擬 上並

用閣臣謂無例答不為例

衛應爵嗣宣城伯

丙午旌鉛山王 繼選楊氏未婚矢節進封王妃

刑科右給事中陳繼春請停刑不報

貴州宣慰司安疆臣貢馬

庚戌總督兩廣陳大科劾罷

辛亥前刑科都給事中宋之韓卒之韓字元卿武安人嘉靖

乙丑進士性鯁直敢言年六十九

壬子昏刻有星大如卵色亦有光自東北派東南
癸丑前太子少保總理河道戶部尚書褚鈇卒鈇字
次人嘉靖己丑進士知河間奏最拜御史練達有幹略所至
著聲而視學南畿撫輯兩湖兀見稱年六十八予祭葬贈太
子太保

己未諭停刑兵部尚書田樂等乞釋曹學程獄 上怒命待

論

庚申夜月犯井宿

庚午右春坊右庶子兼翰林院侍讀周應賓為南京少詹事

署翰林院事

巡撫寧夏兵部右侍郎楊時寧進右都御史

是月套、吉能大舉犯延綏高家諸堡葭州副總兵杜松
語總督李汝搗火落赤之巢以牽之遂夜出定邊營搗雷赤
二部多斃傷自京路歸、萬騎邀之松力戰被數矢不憚、
因圍之松下馬步擊得解斬兔哈五級餘、五十一級、傳
烽糾衆圍之寧夏總兵杜桐馳援乃免

十月 辛未朔戶部覆南京屯田御史王藩臣乞豁秋糧從之
命平播總兵陳璘剿皮林苗仍令偏沅巡撫江鐸墨衰視事

癸酉朶顏等衛入貢

丙子廣東稅監李鳳奏專署命改義倉為之

雲南稅監楊榮以阿瓦猛密土夷貢寶石牙毯等物并求寶

并專勅使開採從之

丁丑前國子祭酒劉應秋卒應秋字

吉水人萬曆癸未

及第贈禮部右侍郎崇禎初謚文節

壬午李三才請乞休懇罷礦稅不允

乙酉諭內閣來春冊儲

錦衣衛帶俸都指揮使鄭國泰以給事中楊天民所劾乃都

指揮使李承恩私忿假臣名妄奏

上切責承恩奪歲俸

天壽山火

戊子巡按貴州御史宋興祖請停刑不報

辛卯山西右布政使吳道任致仕進行太僕寺卿

壬辰命湖廣川貴廣西各督撫就近協剿皮林苗

癸巳戶科左給事中許子偉降外以論鴻臚寺卿張棟也以

清奏降銅仁府經歷

丁酉工科給事中張問達主試山東道奏派民饑苦狀請亟

罷礦稅卹民不報

己亥尚寶司少卿潘士藻卒士藻字去華婺源人萬曆癸未
進士授温州推官戊子拜御史執橫閩道戲良家婦者移司
禮發之杖斃其一東廠太監

銜之屬火穴內監摘士藻
跡有不可使聞於左右近習語 上怒謫廣東布政司照磨

辛卯改南京刑部照磨壬辰進南京吏部主事七月改尚寶

司丞久不徙癸巳進少卿奉使卒於家與鄒元標葉茂才輩

推尚氣節年六十四所著閣然堂雜集詩文集周易述若干

卷

庚子工科都給事中王德完言臣入京數月道路相傳 中

宮役使止數人憂鬱致疾貼危不保臣竊謂不然第臣得風

聞言事若如所傳則宗社隱憂臣羨袁舉卻坐之事祈 皇

上眷顧中宮止輦虛受臣死且不朽 上怒下錦衣衛獄訊

其繇吏部尚書李戴御史周盤等各論救俱切責之奪御史

歲俸餘八月間臣揭請調護中宮宥德完有旨中宮侍朕同

君邇來稍 悍疾每事教訓亦知改悔何嘗有疾

十月壬寅妖人趙一平元即古伏誅

甲辰故遼東副總兵解生贈右都督解生原降胡入宣府籍

癸丑真保薊永稅監王彪求徵屯租復墮商侵占葦地從之

甲寅吏部左侍郎裴應章為南京工部尚書

辛酉督理廣西稅務御馬監太監沈永壽巡按御史呂圖南籍其稅六萬餘金乞寬稅務濟邊用不報

丁卯沈一貫以正一人張國祥奏免徭役及本山上清宮夫天下田土除皇莊外無不供徭今祈免非制且糧二百八十石加三百五十石計田二萬餘畝恐盡邑境安可盡蠲耶

甲子寶鈔局火

十仁甲戌天津稅監馬堂進大西洋歐邏巴國人利瑪竇所貢方物命利瑪竇入京

延慶左衛軍家牛生犢二首二尾六足西方比肩之獸曰印
印距虛

辛丑萬曆二十九年

正朔子朔 上不朝

武昌沔陽火

甲辰沈一貫請簡閣臣不報時趙志臯引疾

丁未禮部請卹川貴之民宥正月以前徒杖等罪從之

夜月犯昴宿

已酉署禮部事右侍郎朱國祚言 皇長子年已二十淑女
習禮踰年乞早定三禮并冠諸皇子分封命徐俟之

壬子 上御午門詔曰朕嗣承歷服式奉先猷欲人並生庶
幾不擾八年以來俄煩兵甲賴天地廟社之靈將相臣民之
力內攘外卻無損國威彼然皆文告不來自投轡鑊朕甚閔
之非為快也惟此播州故有楊氏為夷長率受我冠裳子孫
之仍籍有年朝廷之覆露良厚夫何其末胄應龍者安忍無
親大逆不道當其嬖寵戕嫡淫刑禍民毒痛萬方凶殘七姓
國人皆曰可殺朕心不忍加誅因其漢官疆以戎索曲從贖

死為德甚宏而乃下愚不移肆行無忌敢為嫚辱妄意薦窺
既逋重慶之囚遂決跳梁之志收藏亡命構煽苗民震駭兩
川恫疑四海朕猶時覃在宥未即移師而賊顧因撫成驕因
驕成蔑叛內則僭越王章無復人臣之禮外則矜詡物力有
輕中國之心掩不備於綦江梗道塗於湖貴為臣若此孰其
堪之夫帝王之道推止固存邇來東西之故胡不聞焉是用
一勞師徒四徵餽餉天休人力霧涌雲屯發蜀楚黔滇土著
之兵下秦晉吳楚如林之甲婁山崖門之隘平地九達涓澗
河渡之深崇朝一葦校徒鼠竄偽社颺焚擣穴塗窮登高塞

望猶自謂重關百仞可敵萬人困獸千祥堪資一戰豈知天心既吐地險何憑死關不能詐降不可百道圍而飛鳥絕九攻合而蹙兔啼突士盡而鼓聲哀離歌悲而艷妻決夫應龍以極惡就縊一死安贖是命判屍傳首恭嚴天誅其妻孥黨與七十餘人檻致闕下千年守土一旦丘墟伊誰實然豈朕之意於戲漢封遠矣代有棄置蠻夷君長人安與安惟度劉無度余一人實不忍於赤子亦明天地日月無私穢無遠而不跡惡無微而可蘊苟有昏暴淫虐蔑常亂紀朕雖欲赦如天弗容其明告中外有土有身視為前車各戒爾後氛慝初銷劓夷未起師之所處荆棘生焉邑里蕭條哀此獨斃凡蜀焚滇黔有因用兵加派錢糧及一切可緩積逋若註誤輕條益令所司酌量蠲宥救乏振滯蕩滌繁苛咸與維新安生樂業布告天下俾共聞知

丙辰吏部大計外官降斥有差

丁巳沈一貫言覲官大班糾劾乞御文華殿而賜處分不報
戊午趙志臯等請定皇長子講期推少詹事范醇敬侍郎
曾朝節左右庶子唐文獻楊道賓左右諭德黃汝良蕭雲舉
左右中允區大相黃輝直講請不報

光祿寺卿孫瑋為順天府尹

戶部尚書陳藻等言帑匱今年例闕二百萬金又御用監取辦金寶雜料如珍珠須銀一千五十七萬有奇乞增開事例助用從之

右春坊右庶子袁宗道卒宗道字公脩公安人萬曆丙戌禮闈第一成進士選庶吉士脩潔有文行直東宮天啟初賜祭葬贈少詹事廕國子監

癸亥通政司左通政王守素為光祿寺卿浙江左布政使趙欽湯為南京光祿寺卿巡撫宣府右副都御史王象乾為兵

部右侍郎兼右副都御史總督川湖貴州軍務兼巡撫四川時播地初定總督李化龍有父喪巡按崔景榮言拓土撫降非亟推新督臣不可吏部推賈待問王象乾上

甲子河南劇盜王好問等逃太行山未獲罰守備馬永光等有差

科道拾遺 右布政使陞撫治鄖陽右副都御史鄭國仕勒致仕浙江按察使李維禎等罷降有差

乙丑偏沅巡撫江鐸出鎮靜州合總兵陳璘等率副總兵李遇文等分七路進攻皮林苗

先是北闈有執政子下第故脩都於順天主考禮科都給事中楊天民以文體劾解元趙維寰等而江西湖廣四川並挂議禮部儀制即中王紀擬覆盡除貢士名署部事禮部右侍郎朱國祚不可三易草紀猶斥苗自成餘盡停三科國祚謂諸卷深晦有之險怪則無而使三科不試則齒髮變意氣衰矣遂各停一科

己巳鉄嶺衛火

丙寅勅朝覲官還任

魯府鄒平王頤在薨

二廟午朔天津督稅御用監太監馬堂進大西洋利瑪竇土物禮部言會典止有西洋國西洋瑣里國而無大西洋其真偽不可知又寄住二十年方貢則與遠方慕義獻琛者不同且所貢天主女圖既屬不經而囊有神仙骨等物夫仙則飛昇安得有骨韉愈謂凶穢之餘不宜令入宮禁宜量給冠帶令還勿潛住京師不報

予改南京兵部尚書蔚州郝杰祭筮 嘉靖丙辰進士

壬申命 皇長子十四日出講閣臣請補侍班講讀官不報太子太保兵部尚書總督薊遼保定軍務邢玠為南京兵部

尚書少詹事教文楨為禮部右侍郎署國子祭酒
福建左布政使朱運昌為右僉都御史巡撫福建南京光祿
寺少卿徐民式為南京通政司使

前南京刑部尚書錢邦彥卒邦彥字德徵吳人嘉靖乙未進
士知南安縉雲擢吏部驗封主事歷考功郎中進南通政司
叅議歷光祿太常大理寺卿並南京丁巳冬改北大理戊午
進南京刑部右侍郎甲子北轉左乙丑長南刑部致仕己卯
壬午再存問年九十又存問未至卒生平恪慎詳淹居官無
公私譴賜祭葬

癸酉前太子少保吏部尚書孫丕揚為南京吏部尚書

甲戌免大同宣府灾租

乙亥陝西總兵官署都督同知蕭如薰為征西將軍鎮守寧
夏

右諭德黃汝良兼國子司業

吏部右侍郎馮琦禮部右侍郎曾朝節主禮闈時分考官且
陛辭入闈至是閣臣再催乃下

丙子叙松山功進李汝少保賈待問兵部尚書兼右副都御
史徐三畏右副都御史總兵連雲左都督蕭如薰都督同知

兵部尚書田樂進少保兼太子太保梅國植魏允貞等各陞
賞有差

丁丑魯府東原王熙堉薨

夜月犯井宿

戊寅京師地震

癸未巡撫山西右副都御史魏允貞疏救夏邑知縣袁應春
不報

南京尚寶司卿合肥蔡悉致仕悉嘉靖己未進士端莊恬雅
累召終不起學問稟於程朱士論宗之

乙酉武英殿中書舍人兼理山東礦務程守訓言海運自高
郵至淮安廟灣入海自膠州新河至海倉復入海連天津工
科左給事中張問連劾守訓前罪不報

己丑湖廣按察僉事馮應京以督稅御馬監承天陳奉誣劾

命降雜秩

策貢士許麟等三百人賜張以誠等^{進士}及第出身有差

壬辰保定府火

癸巳皮林苗平官軍擊斬五百八十三級俘吳國佐等總兵
陳璘等班師廣西叅政寧德陳昂深入苗寨撫降萬計竟瘁

卒賜祭塋贈太僕寺卿萬曆甲戌進士

瞿九思曰及林諸苗既建文臣以撫之又建武臣以禦之
然衛屬楚而府屬黔犬牙相制豈不備哉顧諸苗以槃瓠
之種夙稱梟獍殺僂我將校虐劉我人民負山依險倘非
守備李楷先授地形胡能建此鴻功乎語曰殺獸兔者功
狗也殺縱指示者功人也此可以喻將軍矣臣獨謂萬曆
初伍開之變擾我疆場者非苗也軍也自是議者以黎平
亦屬楚然與否與
郭子章曰予讀漢史西羌傳武丁征西戎鬼方三年乃克

唐稱鬼主元稱羅施鬼國今猶稱大鬼主羅鬼云三年克
之孔子傷其僂至於今而有播之役二月出師六月克敵
顧三省帑藏如洗死亡相枕不待三年亦僂矣嗚呼唐僂
於南詔元僂於蛇節明一僂於米魯再僂銅仁三僂於
爐山四僂於夜郎議兵於西南夷者不可不重也
貴州監軍按察使楊寅秋卒

丙申遼東右少監高淮誣劾總兵官馬林罷之

沈一貫言華封老人之祝帝堯曰富曰壽曰多男子豈不以富而壽始見福徵多子多孫方稱全福我太祖二十五子百二十一孫累朝以來本支甚茂今皇長子踰冠婚之期諸皇子亦長繩、繼、宜子宜孫令僉斯麟趾圍繞膝前而觴萬年豈惟家慶實乃國禎何不及今舉此禮也

貴州宣慰司使安疆臣及鎮雄府向武歸德都茶等十一州各進馬

戊戌言官論救馮應京 上怒削應京籍

湖廣稅監陳奉叅襄陽府通判邸宅推官何棟如襄陽知縣

王之翰抗違俱削籍仍逮棟如陳奉欲開礦青山王之翰以近顯陵拒之因誣及邸宅何棟如

三月亥朔 反青犯錦州遼人在京者求李成梁復鎮沈一貫以聞

癸卯兵科給事中無錫侯先春論救馬林請廣西按察司知事林戍邊先春請後轉 推官進南京吏部主事天啟初

贈太僕寺少卿

乙巳兵部尚書田樂請寬馬林 上切責之職方郎中柏御張主敬員外郎邵陽審時鎮主事濮州桑學夔祥符王惟儉

並削籍

逮馮應京邸宅王之翰下刑部獄應京盱眙人萬曆壬辰進士在獄著經世實用編甲辰釋丙午正月卒天啟二年贈太常寺少卿之翰獄卒天啟二年贈尚寶司少卿應京逮時武昌人大譁逐陳奉、列兵殺二人匿楚府中命甲騎三百餘射死數人傷二十餘人奉踰月不出衆執奉左右六人投之江奉自焚公署門

談遷曰事君數斯辱神廟中年於國本礦稅並執見不移凡論救輒黨坐其譴彌重因一事株謫數人謂不如是

無以懲相持習然其風終不少止蓋樂於賈互不屑以寒蟬自處也士大夫好尚有過母不及亦足多已

丙午翰林院編修史繼偕為侍讀

己酉署都督僉事管一方為總兵官鎮守陝西

庚戌經理朝鮮右副都御史萬世德為左副都御史回院

癸丑巡撫寧夏右副都御史楊時寧為兵部右侍郎總督宣

大山西軍務山西按察使彭國光為右僉都御史巡撫宣府

復禮部右侍郎朱廷立原官致仕

丙辰偏沅巡撫江鐸請撫諭九股諸苗

戊午寧遠伯李成梁為征、前將軍總兵官鎮守遼東
己未通政司使范崙為南京工部右侍郎

遼湖廣 同知下孔時稅監陳奉誣其抗違也

壬戌魯府陽信王壽鈔薨

癸亥孫承廕嗣懷寧侯承恩弟

甲子武昌告變

乙丑進趙志臯兼太子太師沈一貫兼太子太傅叙府江平

叛徭功

四 戊辰朔貴州旱饑斗米四錢

癸巳巡按直隸御史安文輝請蠲賑畿輔不報

丙申設四川遵義軍民府分播州地二郡闔為界遵義府闔

內屬四川平越府闔外屬貴州遵義領州一真安縣四遵義

綏陽桐梓仁懷平越領州一黃平縣四湄潭餘慶甕安安化

正長官司改黃平州土同知副長官改土判官各安撫

司正長官改土縣丞副長官改土主簿播州宣慰司同知羅

即為新府土知府

五 戊戌朔成山伯王允忠為南京守備領中軍都督府山西副
總兵署都督僉事姜顯祚為總兵官鎮守山西防海禦倭總

兵官署都督僉事李承勳鎮守貴州

己亥畿內山東河南山西遼東大旱饑遣告知社

前貴州總兵官童元鎮逗遛逮入京遣戍

庶子雨桂子於貴陽

壬寅賑貴州饑人萬金

癸卯襄府棗陽王翊鎮薨

甲辰御苑龍舟災

乙巳浙江按察使李維楨降右叅政

丙午錦衣衛帶俸都指揮使鄭國泰請卹儲冠婚奪歲俸

戊申禮科右給事中太平楊天民臨海王士昌等請立儲請

天民永從典史士昌鎮遠典史餘奪俸月御史周盤等疏

秋奪歲俸天民萬曆己丑進士天啟二年贈光祿寺少卿

郭子章曰邊圉瘴鄉稱惡地者唐以播宋以新恩是時黔

非不惡也介在蠻壘尚阻聲教未列沐官無逐臣跡至我

明設貴州而郡縣之播與新恩之惡歸之鬼方故凡得

罪者悉寘黔以禦罔兩自平播後上益知黔惡二三年

來科臣謫黔典史者楊永從天民王鎮遠士昌陳銅仁維

春郭印江如星謫黔幕者許經歷子偉包都事見捷張經

歷正學部臣謫黔者夏通判燠黃經歷龍光曹照磨文燁
知縣謫典史者楊新貴明威謫幕者袁經歷應春於是八
苗七星間蔚然麟鳳數矣

發天津倉粟賑保定真定廣平順德

常鎮叅將改永生洲叅將儀真守備改瓜儀守備

辛亥孫維城為右僉都御史巡撫延綏

壬子巡撫山西右副都御史魏允貞終養允貞鎮山西十年

礦監張忠稅監孫朝方橫力裁之屢受詆朝議終直馬允貞

家居三年卒晉人祠祀

夜月食

乙卯蠲保定河間田租

丁巳左副都御史萬世德為總督薊遼保定軍務兵部右侍

郎兼右僉都御史工特授也山西右布政使白希繡為右

僉都御史巡撫山西湖廣左布政使胡心得為右副都御史

撫治鄖陽

甲子復四川總兵官都督僉事吳廣官加贈 前克龍海

國先登獲楊朝棟及應龍妻田氏於火中出應龍屍中毒失

聲幾絕而蘊尋卒

乙丑裁興隆衛訓導設印江縣教諭以勸苗子弟也

丙寅巡按直隸御史何爾健奏饑變阜平人張世成烹其六
歲子食之

六期辰吏部尚書李戴六年考滿進太子太保

己巳司禮監太監孫隆採稅浙直駐蘄州激變市人殺其衆
隨黃建節等數人撫按詰亂民有葛成獨引服不及其餘下
獄論死

辛未發臨清倉粟十二萬石賑順天諸郡

壬申巡按直隸御史劉曰梧奏臣行部徽州見程守訓暨坊

曰特旨下書成有一德即收之貯庫守訓訐奏曰梧短不報

聞貴州偏橋衛河

定番州地震

丙子巡撫順天右都御史李頤為南京右都御史時關總

憲二年

壬午兵部言松山被入犯官軍擊斬百六十餘級宜宣捷
稱賀從之

命紫荆關馬水口軍餉歲給本色三月仍賑之時馬水口饑
軍啖死人肉巡按御史于永清以聞故是有命

甲申貴陽地震有聲思南大水

御馬監左少監暨祿劾試意伯劉世延罪勒回籍猶攬舡免稅命逮世延訊之

丙戌寧夏東路副總兵杜松因忿制髮命還衛

右通政許弘綱太常寺少卿程奎為左右通政

丁亥臨沅總兵官蕭如薰奪俸四月以燒荒在冬春間而遲至夏季

戊子山西按察使黃嘉善為右僉都御史巡撫寧夏吏部左侍郎署詹事府事劉元震省養

己丑襄陽府推官何棟如逮至奏辨遂下鎮撫司

壬辰南京太常寺卿沈子木為通政使先是子木請祀建

文帝略曰成祖以先臣王景議用天子禮葬則不欲廢其

祀也生為金潢玉牒之主沒時斷蓬飛草之怨若教舍餒伯

有無依不亦悲乎皇上褒其死事諸臣建文獨不得祀

耶或疑倫次間稱號難定夫禮以情伸數緣時降第時與一

俎猶愈於禮絕弗存也宜祔高皇帝側否則懿文太子

側廟祔弗淪儀典斯秩不報

乙未沈一貫請暑讞釋輕繫不報

大內作乾德殿

七月申朔先是陝西撫樓奏歲貢羊絨四千匹自去年九月至今四月共成三千二百匹春命改織盤陵又降柘黃暗花二則每匹脩五丈八尺日織一寸七分半年得匹自五月至九月豈能如願乞悉改織不報

己亥行人陳治則為吏科給事中黃吉士為浙江道御史

臨漳天鳴

前南京刑部右侍郎王國卒國字

洛陽人嘉靖庚戌進

士授行人擢禮科給事中歷今官立朝不阿有清節予祭葬

癸卯巡撫雲南陳用賓進右都御史兼兵部右侍郎總兵官

沐獻進右都督各廕錦衣衛百戶時平猛奉功

選翰林院庶吉士項鼎鉉王陞李胤昌錢象坤許翀王元翰

王基洪表茂謙龔三益曾六德雷思需公萬睦石呂邦耀鄭

以偉薛三省陳宗契蔡毅中戴章甫宋肅文在茲馮奕垣而

項鼎鉉以廷試筆異今筆閣臣揭上不得入館准改授

丙午廕萬世德錦衣衛副千戶

戊申以朝鮮善後功進趙志臯少師沈一貫少傅

己酉魏國公徐洪基為南京右軍都督府僉書襄城伯李承

功領南京右軍都督府提督操江兼管巡江浙江總兵官都督僉事李應詔甘肅總兵官都督同知張邦奇各為軍都督府僉書

丁巳禮部覆南京太常寺卿沈子木請祀建文帝宜懿文太子廟側專祭不報

庚申禮部右侍郎曾朝節為吏部左侍郎署詹事府事吏部右侍郎馮琦為左侍郎教習庶吉士

前南京兵部右侍郎李盛春卒盛春子蕲人隆慶辛未進士改庶吉士授禮科給事中轉廣東叅議被薦累至今官

年十予祭葬

辛酉進士項鼎鉉自請覆試至期引疾請典史

甲子叙甘肅功進總督李汝巡撫徐三畏兵部右侍郎各廕國子監

總兵官達雲進太子少保

是月永春縣大雨水漲溢泉州

丙寅朔故南京刑部尚書孫植贈太子太保

戊辰命趙志皋兼支大學士俸進沈一貫太子太師辭不受甘鎮功

己巳沔陽大水入城

庚午「犯寧夏平」城興武營等處官軍擊斬二百餘級
壬申故少保兼太子太保兵部尚書兼右都御史鄭洛贈太
保

己卯大光明配殿災

己丑禮部右侍郎署國子祭酒教文楨署翰林院事

辛卯兵科左給事中桂有根言套「吉囊莊」諸酋叩闕求
款許之延綏舊撫臣王見賓也解任後豈能復行其約束乞
下新撫臣孫維城詳議利害報可

壬辰吏科都給事中新安郭如星刑科右給事中南昌陳維
春各劾前稅監陳奉請如星印江典史維春銅仁典史維春
卒天啟二年贈光祿寺少卿

平江伯陳王謨卒贈少保謚武靖

甲午沈一貫上言詩有既醉之篇臣祝其君曰君子萬年介
爾景福繼曰君子萬年永錫祚胤則願其子孫之多又曰釐
爾士女從以孫子願取淑媛而生賢子孫也有斯干之篇頌
築室既成曰築室百堵西南其戶爰居爰處爰笑爰處美新
宮也繼曰吉夢維何維熊維羆維羅男子之祥言吉祥

善事當生聖子神孫於無窮也今萬壽稱觴兩宮美成在廷
同祝而迎禧道瑞啟天之祥實自聖心始 皇上大婚及時
故得 聖子早今 皇長子大禮必備其儀推念真情不如
早諧伉儷之為適 皇上孝奉 聖母朝夕起居不如早遂
含飴弄曾孫之為懽乞今年先 皇長子大禮明春後遍舉
諸皇子各禮子復生子孫復生孫坐見本支之盛享令名集
完福矣 上心動諭俟即日行之

九月未朔設瓊州撫黎通判駐水蕉立清寧巡檢司

丙申少詹事范醇敬侍 皇長子班左右庶子唐文獻楊道

賓左右諭德黃汝良蕭雲舉右中允莊天合侍講讀

丁酉山東右布政使黃克纘為右副都御史巡撫山東

戊戌巡撫大同右副都御史房守土考滿加兵部右侍郎

補給朝鮮國王李昭誥服前亂失之

庶子左春坊左贊善兼翰林院簡討周如砥為右春坊右中

允署國子司業

壬寅巡撫河南右 都御史曾如春報河決蕭家口先是開

封歸德大水商城蒙城等處河衝蕭家口百餘丈全河南徙

淮泗賈舟不及解寘於沙上

甲辰右春坊右諭德兼翰林院侍講蕭雲舉黃 王武闡

丙午南京國子祭酒郭正域少詹事周應賓俱為詹事兼翰林院侍讀學士纂脩玉牒

丁未少傅兼太子太傅吏部尚書建極殿大學士趙志臯奉志臯字汝邁蘭谿人隆慶戊辰進士及第授翰林編脩進侍讀忤張居正出廣東按察副使謫解州同知後起南京太僕寺丞歷

入相十年首輔五年被劾強半引疾誠確謹厚雖多解救而才智限之年十

懿

予祭葬贈太傅謚文

顧天峻曰嗚呼曩江陵之氣橫蓋一世而公挺身折之至困柳不悔及公佐天子而言公者亦時有是言豈公之志哉

己酉朱應槐嗣成國公故成國公叔

環球國中王世子尚學奏求文臣專使

壬子夜諭內閣即舉 皇長子三禮次及諸子

癸丑總督河漕工部尚書兼右副都御史劉東星卒東星字子明沁水人隆慶戊辰進士選庶吉士授兵科給事中轉禮科左忤時謫蒲城丞徙知盧氏萬曆初入刑部主事丁丑以

戶部員外郎為河南按察僉事歷湖廣左右布政使壬辰拜
右僉都御史巡撫保定癸巳入左副都御史尋進吏部右侍
郎憂去戊戌起工部左侍郎兼右僉都御史治單縣決河請
浚趙渠故道己亥進尚書兼右副都御史辛丑議開泃河卒
於濟寧歷官久布衣脫粟學本主靜年六十四予祭墓贈太
子少保天啟初謚莊靖

丙辰禮部右侍郎朱國祚上冊儲分封儀注國祚為左侍郎
南京吏部右侍郎李庭機改禮部右侍郎兼官如故

戊午禮部尚書兼翰林院學士沈鯉朱賡並兼東閣大學士

直文淵閣時廷推九人 上已點朱國祚馮琦而沈一貫密

揭二臣年未及艾曷少需之先爰立老成者蓋為廢地也先

鯉任禮部與閣臣申時行相左請告擬放 上不許吏科都

給事中陳與郊望旨劾鯉益求去 上私語曰沈尚書不曉

我意有老宮人銀香聞之令小豎密告鯉正色絕之竟引去

太常寺卿劉四科為右副都御史整飭薊州邊備巡撫順天

獨保定河間真定順德廣平馬價

己未巡按直隸御史張養志言治河塞黃垆口不南泄復李

古口東注宿邱間濬邱徐漕河築永夏隄開黃泥灣入泃濬

韓莊西支河章下所司

壬戌蜀府慶符王讓儀薨

癸亥通政司右通政程奎為南京太常寺卿

懷隆道兵備按察使馬崇謙削籍時天壽火

十月丑朔頒曆 上不御殿

吏部右侍郎馮琦為禮部尚書兼翰林院學士南京禮部右

侍郎葉向高改南京吏部右侍郎右庶子楊道賓為國子祭

酒起成憲南京國子祭酒

丙寅順天府尹孫瑋為太常寺卿

甲戌閣擬

慈聖宣文明肅皇太后徽號曰貞壽曰端獻

上並用之

屬夷伯牙兒妻唐翠阿不亥叩闕求款命給半賞

乙亥時諸典費未備 上欲改期沈一貫封還聖諭力言不

可乃定

丙子諭內閣冊寶未完容補賜可否沈一貫請如命俟上

慈聖徽號補賜

己卯立 皇太子 常洛 詔曰蓋聞帝王久安長治之道莫重

於崇建元良我 祖宗家法相承惟長是立所以厚國本定

人心也朕長子常洛孝敬寬仁天鍾粹美奉朕諭教時敏厥
脩今德器日益端凝學業日益精進允堪弘受慰朕至懷敬
入告於聖母冊為皇太子仰承廟社之靈俛順臣民之望爰
望子常洵為福王常浩為瑞王常潤為惠王常瀛為桂王俾
各守藩共維大統典禮既成普天同慶丕覃渥恩備列於後
云於戲長男主器益綿有道之長衆子分封茂衍無疆之

慶敷予德意咸使聞知

知

葉向高曰初上當命哲之日天祐皇衷詔告恩齊業儼
然荷震器之重厥後天意未有所移而人情不無畸向匹

嫡之嫌既生珮玦之疑滋起以仗名抗節之士吐防微杜
漸之思君曰有待臣曰何待而朝論紛、矣迨夫儲宮既
定禮制大明而攬構內滋孽孽外作以貳極之尊安涉隕
淵之險危所藉九廟呵護神祖沉幾寵藩既出請議遂
消國祚奠於太山天也然父子天性終始之間倫物之盡
降於兩朝仁孝之經垂於萬禩稽之前代罕有其比矣

封翊銘為襄王

庶辰廷臣表賀

貴州

衛指揮馮國恩妻一產三子

壬午巡撫保定右副都御史汪應蛟請屯田海濱略曰天津
葛沽一帶咸謂斥鹵不可耕種間有近河滋潤藝苳私收不
過二斗三臣初謂地無水則難得水則潤若以閩浙瀕海治
地之法行之穿渠灌水未必不可為稻田今春始買牛製器
開渠築隄計葛帖白塘耕種共五千餘畝內稻二千畝其勤
沃者畝收四五石餘三千畝或種葛苳或早稻葛苳得溉糞
亦畝收一二石惟早稻竟以難立稿臣巡天津親勘副總兵
陳燮稱水稻約可收六千餘石葛苳可收四五千石於是軍
民始信斥鹵可盡變為膏腴也見在水陸兩營兵尚四千人

歲餉六萬餘金思維屯田可得足食長策荒田接畛奚啻六
七千頃若悉如今法每千頃各致穀三十萬石七千頃可得
穀二百萬餘石非獨天津六萬金之餉可給即充近鎮之年
例省司農之轉餽無不可者章下戶部

癸未命 皇太子二月移居責戶部治費尚書陳藻引罪
上 聖母慈聖宣文明肅貞壽端獻皇太后徽號

甲午頒徽號詔
是月太白經天

談遷曰漢世宗立衛太子據太白長竟天識者知為兵兆

今春宮方闕請見天表其後享祚不永再傳而替非其應乎

十一月未朔禮部尚書馮琦上東宮及諸王冠禮儀注

丙申大禮成進沈一貫兼太子太傅建極殿大學士詹尚賢司丞

丁酉戶部覆議天津屯田行之後得不償失迄無成功則屯將非其人也

辛丑南京吏部尚書孫丕揚疾去起前南京工部尚書裴應章

己未存問前大學士申時行王錫爵王家屏

前總督薊遼周詠詹錦衣衛百戶

庚申周府安吉王朝堤薨

辛酉前總督兩廣軍務右都御史陳大科卒大科字揚

通州人隆慶辛未進士授河南推官

歷右僉都御史巡撫廣西致總督生自世闕有才用窮

極奢侈屢以賄劾卒後追叙海南平黎功予祭塋贈兵部尚

書

是月罷蘇松常鎮稅監孫隆以劉成代之

十二甲子朔朝鮮國王李昞奏對馬島倭求款初平秀吉死命
大將家康領東北三十三州輝元領西南三十三州共助幼
子秀賴無何倭將景勝叛據關東家康悉兵攻之輝元與行
長來虛入大坂城今拒家康而敗家康誅行長等倭內亂而
對馬島主平義智及將軍調信悉歸朝鮮人乞和且聲言家
康轉餉十八萬石以脅之朝鮮恐開罪故以聞事下兵部令
萬世德議之

左庶子唐文獻為詹事兼翰林院侍讀學士

丙寅建州衛都督僉事

款塞北關屬夷那林孛羅

請補雙貢許之初南關王台仇北關遲加奴仰加奴而王台
死二奴子卜寨那林孛羅射王台孫互商死之互商子幼部
衆并勅百七十三道歸叔猛骨孛羅時補雙貢那林孛羅數
侵之猛骨孛羅不能支從！
其子女乞援！

誘猛骨孛羅於營陰殺之邊臣徃詰則曰許婚其子吾兒
忽答秋七月款撫順關外刑白馬誓撫吾兒忽答遂女歸之
那林孛羅亦歸原勅六十道補雙貢如猛骨孛羅時也自猛
骨孛羅忘仇助北關戍於建州南關不絕如綫建州始吞食
北關盡併海西諸！入貢驛騷命禁之

丁卯誅皮林叛苗吳國佐國原洪州司特峒寨苗也叛後自稱天皇王將

辛未命復原顏諸夷馬木二市并復寧前木市初開原廣寧馬市起成化十四年木市始萬曆二十三年

壬申宣寧夏十三寨之捷

壬辰許福王出關


壬寅命徐三畏以兵部右侍郎兼右僉都御史前加恩時失兼憲秩

癸卯皇太子及諸王皆冠

禮科右給事中白瑜上四事戒侈大惜人才平刑獄不報

是年思明土官黃承祖死祿州夷苗韋達禮作亂犯思陵州思陵土官黃紹曾馭下慘刻失人心遂突州境執紹曾去

卷之二
詩經



陸
卷

陸